

ВЕЛИКИЙ КАНОН

СВ. АНДРЕЯ КРИТСКОГО



ЧИН БЛАГОСЛАВЛЕНИЯ
(СОБОРОВАНИЯ)

КАНОН ВЕЛИКИЙ



СВЯТОГО АНДРЕА КРИТСКОГО,
ЧТОМЫЙ В ПОНЕДЕЛЬНИК, ВТОРНИК,
СРЕДУ И ЧЕТВЕРГ
ПЕРВОЙ СЕДМИЦЫ
СВЯТОГО ПОСТЯ



ЧИН СОБОРОВАНИЯ



ОУАІІГІА



ТЕРІРЕМ

Казань
2006

*По благословению
Святейшего Патриарха Московского и всея Руси
Алексия II*

СОДЕРЖАНИЕ

В понедельник первой седмицы святого поста	3
Во вторник первой седмицы свя- того поста	27
В среду первой седмицы свято- го поста	49
В четверг первой седмицы свя- того поста	72
Чии соборования	95

В ПОНЕДЕЛЬНИК ПЕРВОЙ СЕДМИЦЫ СВЯТОГО ПОСТЯ

ПЕСНЬ 1

Ирмос: Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его: славно бо прославися.

Припев: Помилуй мя Боже, помилуй мя.

Откуда начну плакати окаяннаго моего жития деяний, кое ли положу начало, Христе, нынешнему рыданию; но яко благоутробен, даждь ми прегрешений оставление.

Гряди окаянная душе, с плотию твою, Зиждителю всех исповеждься, и останися прочее преждняго безсловесия, и принеси Богу в покаянии слезы.

* Напечатанное *курсивом* и заголовки не читается во время молитвы.

Первозданнаго Адама преступленію поревновав, познах себе обнажена от Бога, и присносущнаго Царствія и сладости, грех ради моих.

Увы мне окаянная душѣ, что уподобилася есѣ первей Еве; видела бо есѣ зле, и уязвилася есѣ горце, и коснулася есѣ древа, и вкусила есѣ дерзостно безсловесныя снеди.

Вместо Евы чувствєнныя, мыслєнная ми бысть ева, во плоти страстный помысл показуяй сладкая, и вкушаяй присно горькаго напоенія.

Достойно из Эдема изгнан бысть, яко не сохранив єдину Твою, Спáсе, заповѣдь Адам: аз же что постражду, отметаѣ всегда животная Твоя слова;

Слава Отцу, и Сыну, и Святому Духу.

Троицен: Пресущная Троице, во Единце покланяемая, возми бремя от мене тяжкое греховное, и яко Благутиробна, даждь ми слезы умиления.

И ныне, и присно, и во веки веков, аминь.

Богородичен: Богородице, надежде и предстательство Тебе поющих, возми бремя от мене тяжкое греховное, и яко Владычица Чистая, кающаяся прими мя.

ПЕСНЬ 2

Вонмй небо, и возглаголю, и воспюю Христа, от Девы плотию пришедшаго.

Помилуй мя Боже, помилуй мя.

Вонмй небо, и возглаголю, земле, внушай глас, кающийся к Богу, и воспевающий Его.

Вонми ми Боже Спáсе мой, милостивым Твоим оком, и прими мое теплое исповѣдание.

Согрѣших паче всех человек, един согрѣших Тебе: но ущебри яко Бог, Спáсе, творение Твое.

Вообразив моих страстей безобразіе, любосластными стремленьми, погубих ума красоту.

Буря мя злых обдержит, благоутробне Господи: но яко Петру, и мне руку прости.

Оскверних плоти моя ризу, и окаях еже по образу Спáсе, и по подобію.

Омрачих душѣвную красоту, страстей сластями, и всячески весь ум персть сотворих.

Раздрах ныне одежду мою первую,
юже ми изтка́ Зиждитель из начала,
и оттуду лежу наг.

Облекохся в раздранную ризу, юже
изтка ми змий советом, и стыждуся.

Слезы блудницы Щедре, и аз пред-
лагаю, очисти мя Спáсе благоутроби-
ем Твоим.

Воззрех на садовную красоту, и
прельстихся умом: и оттуду лежу наг,
и срамляюся.

Делаша на хребте моем вси началь-
ницы страстей, продолжающе на мя
беззаконие их.

Слава Отцу, и Сыну, и Святому
Духу.

Троицен: Единого Тя в Триех Лицах,
Бога всех пою, Отца и Сына, и Духа
Святаго.

И ныне, и присно, и во веки веков,
аминь.

Богородицен: Пречистая Богородице
Деве, Едина всепетая, моли прилеж-
но, во еже спастися нам.

ПЕСНЬ 3

На недвижимом Христе каменеи заповедей Тво-
их, утверди мое помышление.

Помилуй мя Боже, помилуй мя.

Огнь от Господа иногда Господь
одождив, землю содомскую прежде
попали.

На горé спасайся душé, якоже Лот
оньй, и в Сигор угонзай.

Бегай запаления, о душé, бегай со-
домскаго горения, бегай тления Боже-
ственного пламене.

Согреших Тебе един аз, согреших
паче всех, Христе Спáсе, да не пре-
зриши мене.

Ты еси Пастырь добрый, взыщи мене агнца, и заблуждшаго да не презриши мене.

Ты еси сладкий Иисусе, Ты еси Создателю мой, в Тебе Спасе оправдаюся.

Исповедаюся Тебе Спасе, согреших, согреших Ти, но ослаби, остави ми, яко благоутробен.

Слава Отцу, и Сыну, и Святому Духу.

Троицен: О Троице Единице Боже! Спаси нас от прелести, и искушений, и обстояний.

И ныне, и присно, и во веки веков, аминь.

Богородичен: Радуйся Богоприятная Утробо, радуйся Престолу Господень, радуйся Мати жизни нашея.

ПЕСНЬ 4

Услы́ша проро́к прише́ствие Твое Господи, и
убо́йся, яко хо́щеша от Девы роди́тися, и челове́-
ком яви́тися, и глаго́лаше: услы́шах слух Твой, и
убо́яхся, слава́ си́ле Твое́й Господи.

Помилуй мя Боже, помилуй мя.

Дел Твоих да не презриши, созда-
ния Твоего, да не оставиши Правосу-
де. Аще и един согреших яко человек,
паче всякаго человека, Человеколюб-
че: но имаши, яко Господь всех власть
оставляти грехи.

Приближается ду́ше конец, при-
ближается, и неради́ши, ни гото́виши-
ся, время сокращается: воста́ни, близ
при дверех Судия есть. Яко соние,
яко цвет, время жития течет: что всу́е
мяте́мся;

Восприя́и о ду́ше моя! дея́ния твоя,
яже соделала еси, помышля́й, и сия
пред лице твое принеси, и капли ис-
пусти слез твоих: рцы со дерзновени-

ем деянія и помышления Христу, и оправдайся.

Не бысть в житии греха, ни деянія, ни злобы, еяже аз Спáсе, не согрѣшихъ, умомъ и словомъ, и произволеніемъ, и предложениемъ, и мыслию, и деянiемъ согрѣшивъ, яко инъ никтоже когда.

Отсюду и осужденъ быхъ, отсюду препрѣнъ быхъ азъ окаянный отъ своея совѣсти, еяже ничтѣже въ мирѣ нужнейше: Судіе, Избавителю мой, и Вѣдче, пощади и избави, и спаси мя раба Твоего.

Лѣствица, юже вѣде дрѣвле великій въ патриáрсахъ, указание есть душѣ моей, деѣтельнаго восхожденія, разумнаго возшѣствія: аще хощеши ѹбо, деѣніемъ, и разумомъ, и зрѣніемъ пожити, обновѣйся.

Зной дневный претерпе лишения ради патриарх, и мраз ночный понесе, на всяк день снабдения творя, пасый, труждаяйся, работаяй, да две женé сочетает.

Жены ми две разумей, деяние же и разум в зрении, Лию убо деяние, яко многочадную: Рахиль же разум, яко многотрудную: ибо кроме трудов, ни деяние, ни зрение душé исправится.

Слава Отцу, и Сыну, и Святому Духу.

Троицен: Нераздельное существом, неслитное Лицы богословлю Тя, Троическое Еди́но Божество, яко единоцарственное и сопрестольное, вопию Ти песнь великую, в вышних трегубо песнословимую.

И ныне, и присно, и во веки веков, аминь.

Богородичен: И раждáеши и девству-
еши, и пребываеши обоюду естеством
Дева: рождейся обновляет законы ес-
тества́, утроба же раждает неражда-
ющая. Бог идéже хóщет, побеждает-
ся естества́ чин: творит бо, елика
хóщет.

ПЕСНЬ 5

От нóщи ўтренююща, Человеколю́бче, просве-
ти молюся, и настави и мене́ на повелéния Твоя́:
и научи́ мя Спáсе, творити волю́ Твою́.

Помилуй мя Боже, помилуй мя.

В но́щи житие мое преидóх прísно,
тьма бо бысть, и глубокá мне мгла,
но́щь греха: но яко дне сына, Спáсе
покажи мя.

Рувíма подражая окаянный аз, со-
дéях беззаконный и законопреступ-
ный совет на Бога Вышняго, осквер-
нив ложе мое, яко óтчее он.

Исповѣдаюся Тебе Христе Царю, согрѣшихъ, согрѣшихъ, яко прежде Иосифа братія продавшии, чистоты плод и целомудрія.

От сродниковъ праведная душа свя́зася, продася в работу сладкій, во образъ Господень: ты же вся ду́шѣ, продалася еси́ злыми твоими.

Иосифа праведнаго и целомудреннаго ума́ подражай ока́янная и неискусная ду́шѣ, и не оскверняйся безсловесными стремленьми, присно беззаконнующи.

Аще и в ро́ве поживе́ иногда́ Иосифъ, Владыко Господи, но во образъ погребенія и востанія Твоего: аз же что Тебе когда сицевое́ принесу;

Слава Отцу, и Сыну, и Святому Духу.

Троичен: Тя Троице славим Единого Бога: Свят, Свят, Свят еси́ Отче, Сы-

не и Душе, простое существо, Единице присно покланяемая.

И ныне, и присно, и во веки веков,
аминь.

Богородичен: Из Тебе облечёся в мое смещение, нетленная, безмужная Мати Дево, Бог создавый веки, и соедини Себе человеческое естество.

ПЕСНЬ 6

Возопих всем сердцем моим к Щедрому Богу, и услыша мя от ада преисподняго, и возведё от тли живот мой.

Помилуй мя Боже, помилуй мя.

Слезы Спáсе очию моею, и из глубины воздыхания чисте приношу, вопиющу сердцу: Боже, согреших Ти, очисти мя.

Уклонилася еси душе от Господа твоего, якоже Дафан и Авирон: но пощади, воззови из ада преисподняго, да не пропасть земная тебе покрывает.

Яко юница душѣ разсвирепѣвшая,
уподобилася еси Ефрѣму, яко сѣрна
от тенѣт сохрани житиѣ, вперѣвши
деянием ум, и зрением.

Рука нас Моисѣова да увѣрит душѣ,
како может Бог прокаженное житиѣ
убелити и очистити, и не отчайся са-
ма себе, аще и прокаженна еси.

Слава Отцу; и Сыну, и Святому
Духу.

Троицен: Троица есмь проста, нераз-
дельна, раздельна личне, и Единица
есмь естеством соединена, Отец
глаголет, и Сын, и Божественный
Дух.

И ныне, и присно, и во веки веков,
аминь.

Богородицен: Утроба Твоя Бога нам
родѣ, воображена по нам: Егоже, яко
Создателя всех, моли Богородице, да
молитвами Твоими оправдимся.

Господи помилуй, *трижды*.

Слава Отцу, и Сыну, и Святому Духу, и ныне, и присно, и во веки веков, аминь.

КОНДАК, ГЛАС 6

Душе моя, душѣ моя, востани, что спиши; конец приближается, и имаше смутитися: восприни́ убо, да пощадитъ тя Христос Бог, везде сый, и вся исполняяй.

ПЕСНЬ 7

Согрешѣхом, беззаконновахом, неправдовахом пред Тобою, ни́же соблюдохом, ни́же сотворѣхом, якоже заповедал еси́ нам: но не предаждь нас до конца, отцев Боже.

Помилуй мя Боже, помилуй мя.

Согрешѣх, беззаконновах, и отвергох заповедь Твою, яко во гресѣх произведохся, и приложих язвам

струпы себе: но Сам мя помилуй, яко благоутробен, отцев Боже.

Тайная сердца моего исповедах Тебе Судии моему, виждь мое смирение, виждь и скорбь мою, и вонми суду моему ныне, и Сам мя помилуй, яко благоутроben, отцев Боже.

Саул иногда яко погуби отца своего, душе, ослята, внезапно царство обрете к прослутию: но блюди, не забывай себе, скотския похоти твоя произволивши паче царства Христова.

Давид иногда богоотец, аще и согреши сугубо, душе моя, стрелою убо устрелен быв прелюбодейства, копием же пленен быв убийства томлением: но ты сама тяжчайшими делы недугуеши, самохотными стремленьми.

Совокупи убо Давид иногда беззаконию беззаконие: убийству же лю-

бодейство растворѣвъ, покаяние сугубое показа́ бие: но сама ты лука́внейшая ду́ше соделала еси, не пока́явши-ся Богу.

Давид иногда́ вообрази́, списавъ яко на иконе песнь, ёюже деяние обличает, ёже содѣя, зовый, помилуй мя. Тебе бо Единому согрешихъ всехъ Богу, Сам очисти мя.

Слава Отцу, и Сыну, и Святому Духу.

Троицен: Троице прѣстая, нераздѣльная, единосущная, и естество едино, свѣтове, и свет, и Свята Три, и Едино Свято поется Бог Троица: но воспой, прослави Живот и животы́, ду́ше, всехъ Бога.

И ныне, и присно, и во веки веков, аминь.

Богородичен: Поемъ Тя, благословимъ Тя, покланяемся Ти Богородительни-

це, яко нераздельныя Троицы породила еси Единого Христа Бога, и Сама отверзла еси нам сущим на земли небесная.

ПЕСНЬ 8

Егоже воинства небесная славят, и трепещут Херувими и Серафими, всяко дыхание и тварь, пойте, благословите, и превозносите во вся веки.

Помилуй мя Боже, помилуй мя.

Согрешивша Спасе помилуй, воздвигни мой ум ко обращению, прими мя кающегося, ущедри вопиюща: согреших Ти, спаси, беззаконновах, помилуй мя.

Колесничник Илиа, колесницею добродетелей вшед, яко на небеса, ноша́шеся превыше иногда от земных: сего убо душе́ моя, восход помышляй.

Елиссей иногда прием милоть Илиину, прият сугубую благодать от Бо-

га: ты же о душѣ моя, сея не причастилася еси благодати за невоздержаніе.

Иорданова струя пѣрвее, мѣлотію Илииною Елиссеем, ста сюду и сюду: ты же о душѣ моя, сея не причастилася еси благодати за невоздержаніе.

Соманѣтида иногдѣ праведнаго учредѣ, о душѣ, нравомъ благимъ: ты же не ввела еси в домъ ни странна, ни путника. Темже чертога изрѣнешися вон, рыдающе.

Гиезіевъ подражала еси окаянная разумъ скверный всегда, душѣ, егоже сребролюбіе отложи понѣ на старость: бегай геѣнскаго огня, отступивши злыхъ твоихъ.

Слава Отцу, и Сыну, и Святому Духу.

Троицен: Безначальне Отче, Сыне Собезначальне, Утѣшителю благій,

Душе правый: Слова Божия Родителю, Отца Безначальна Слове, Душе живый и зйждяй, Троице Единице, помилуй мя.

И ныне, и присно, и во веки веков, аминь.

Богородичен: Яко от оброщения червленницы Пречистая, умная багряннице Еммануилева, внутрь во чреве Твоем плоть исткася. Темже Богородицу воистинну Тя почитаем.

ПЕСНЬ 9

Безсеменнаго зачатия рождество несказанное, Матере безмужная нетленен плод: Божне бо рождение обновляет естества. Темже Тя всн роди, яко Богоневестную Матерь, православно величаем.

Помилуй мя Боже, помилуй мя.

Ум острупися, тело оболезнися, недугует дух, слово изнеможе, житие умертвися, конец при дверех. Темже

моя окаянная душѣ, что сотвориши,
егда приидет Судия, испытати твоя;

Моисѣово приведох ти душѣ миро-
бытіе, и от того все заветное писа-
ние, поведующее тебе праведныя и
неправедныя: от нихже вторыя, о
душѣ, подражала еси, а не первыя, в
Бога согрешивши.

Закон изнемо́же, празднует Еван-
гелие, писание же все в тебе не-
брежѣно бысть, пророцы изнемогóша,
и все праведное слово: струпы твои о
душѣ умножишася, не сущу врачу ис-
целяющему тя.

Новаго привожду ти писания ука-
зания, вводящая тя душѣ, ко умиле-
нию: праведным убо поревнуй, греш-
ных же отвращайся, и умѣлостиви
Христа, молитвами же и пощеньми,
и чистотою, и говением..

Христос вочеловѣчися, призвав к покаянію разбойники, и блудницы: душѣ покайся, дверь отворзеса Царства уже, и предвосхищают е фарисее и мытари, и прелюбодеи кающіися.

Христос вочеловѣчися, плоти приобщився ми, и вся елика суть естества хотением исполни греха кроме, подобие тебе, о душѣ, и образ предпоказуя Своего снисхождения.

Христос волхвы спасе, пастыри созва, младенец множества показа мученики, старцы прослави, и старыя вдовицы, ихже не поревновала еси душѣ, ни деянием, ни житію: но горѣ тебе, внемгда будеши судитися.

Постився Господь дней четырьдесять в пустыни, последи взалка, показуя человеческое: душѣ, да не разленишися, аще тебе приложится враг,

молитвою же и постом от ног твоих да отразится.

Слава Отцу, и Сыну, и Святому Духу.

Троицен: Отца прославим, Сына превознесём, Божественному Духу верно поклонимся, Троице Нераздельней, Единице по существу, яко Свету и светом, и Животу и животом, Животворящему и просвещающему концы.

И ныне, и присно, и во веки веков, аминь.

Богородичен: Град Твой сохраняй Богородительнице Пречистая, в Тебе бо сей верно царствуй, в Тебе и утверждается, и Тобою побеждай, побеждает всякое искушение, и пленяет ратники, и проходит послушание.

Преподобне отче Андрее, моли Бога о нас.

Андрее честный, и отче треблаженнейший, пастырю Критский, не престай моляся о воспевающих тя: да избавимся вси гнева и скорби, и тления, и прегрешений безмерных чтущи твою память верно.

ВО ВТОРНИК ПЕРВОЙ СЕДНИЦЫ СВЯТОГО ПОСТЯ

ПЕСНЬ 1

Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его: славно бо прославися.

Помилуй мя Боже, помилуй мя.

Каиново прешед убийство, произволением бых убийца совести душевной, оживив плоть, и воевав на ню лукавыми моими деяньми.

Авелеве Иисусе, не уподобихся правде, дара Тебе приятна не принесох когда, ни деяния божественна, ни жертвы чистыя, ни жития непорочнаго.

Яко Каин и мы, душе окаянная, всех Содетелю деяния скверная, и жертву порочную, и непотребное жи-

тие принесѡхом вкупе: темже и осудихомся.

Брeнне Здѣтель живосоздав, вложил есѣ мне плоть и кости, и дыханіе, и жизнь: но о Творче мой, Избѣвителью мой и Судіе, кающася прими мя.

Извещаю Ти Спѣсе, грехи, яже содеях, и души и тела моего язвы, яже внутрь убійственнии помыслы разбойнически на мя возложиша.

Аще и согрѣших, Спѣсе, но вем, яко Челолеколюбец еси, наказуеши милостивно, и милосердствуеши тёпле: слезѣща зрѣши, и притекаѣши яко Отец, призывая блуднаго.

Слава Отцу, и Сыну, и Святому Духу.

Троицен: Пресущная Троице, во Единице покланяемая, возмѣ бремя от

мене тяжкое греховное, и яко Благоутрѣбна, даждь ми слезы умиления.

И ныне, и присно, и во веки веков, аминь.

Богородичен: Богородице, надежде и предстательство Тебе поющих, возмѣ время от мене тяжкое греховное, и яко Владычица Чистая, кающаяся приими мя.

ПЕСНЬ 2

Вонмѣ небо, и возглаголю, и воспѣю Христа, от Девы плотию пришедшаго.

Помилуй мя Боже, помилуй мя.

Сшиваше ко́жныя рѣзы грех мне, обнаживый мя первыя боготканныя одежды.

Обложѣн есмь одеяніем студа́, якоже лѣствию смокóвным, во обличѣніе моих самовластных страстѣй.

Одеяхся в срамную ризу, и окровавленную стѹдно, течением страстного, и любосластного живота.

Впадѹх в страстную пагубу, и в вещественную тлю, и оттоле до ныне враг мне досаждает.

Любовѣщное и любоимѣнное житие, невоздержанием Спáсе предпочѣт, ныне, тяжким бременем обложѣн есмь.

Украсѣх плотский образ скверных помышлений различным обложѣнием, и осуждаюся.

Внешним прилежно благоукрашением едином попекѹхся, внутреннюю презрев богообразную скѣнию.

Погребѹх перваго ѹбраза добрѹту Спáсе страстьмѣ, юже яко иногда драхму взыскав обрящи.

Согрешѣхъ ꙗкоже блудница, вопію ти: единъ согрешѣхъ Тебѣ, ꙗко миро приими Спáсе, и моя слезы.

Очисти, ꙗкоже мытарь вопію Ти, Спáсе, очисти мя: никтоже бо сущихъ изъ Адама, ꙗкоже азъ согрешѣхъ Тебѣ.

Слава Отцу, и Сыну, и Святому Духу.

Троицѣн: Единого Тя въ Трехъ Лицехъ, Бога всехъ пою, Отца и Сына, и Духа Святаго.

И ныне, и присно, и во веки вековъ, аминь.

Богородицѣн: Пречистая Богородице Дево, Едина всепетая, моли прилежно, во еже спастися намъ.

ПЕСНЬ 3

Утверди Господи, на камене заповѣдей Твоихъ, подвигшееся сердце мое, ꙗко Единъ Святъ еси и Господь.

Помилуй мя Боже, помилуй мя.

Источник живота стяжах Тебе, смерти низложителя, и вопию Ти от сердца моего прежде конца: согрешѣхъ, очисти и спаси мя.

Согрешѣхъ Господи, согрешѣхъ Тебе, очисти мя: несть бо ѣже кто согреши в человецехъ, егоже не превзыдохъ прегрешѣньми.

При Нѡи, Спáсе блудствовавшия подражахъ, ѡнѣхъ наследствовавъ осуждение, в пото́пе погружения.

Хама онаго душѣ, отцеубийца подражавши, срама не покрыла есѣ искренняго, вспять зря возвратѣвшись.

Запалѣния ꙗкоже Лот, бегай душѣ моя греха: бегай содѡмы и гомѡрры, бегай пламене всякаго безсловѣснаго желанія.

Помилуй Господи, помилуй мя, вопію Ти, егда́ при́деши со Ангелы

Твоими, воздати всем по достоянию деяний.

Слава Отцу, и Сыну, и Святому Духу.

Троицен: Троице прѣстая, несозданная, Безначальное естество, в Троице певаемая Ипостасей, спаси ны верою поклоняющихся державе Твоей.

И ныне, и присно, и во веки веков, аминь.

Богородичен: От Отца безлетна Сына, в лето Богородительнице, неискусомужно родила еси, странное чудо, пребывши Дева доящи.

ПЕСНЬ 4

Услыша пророк пришествие Твое Господи, и убояся, яко хощеши от Девы родитися, и человеком явитися, и глаголаше: услышах слух Твой, и убояхся, слава силе Твоей Господи.

Помилуй мя Боже, помилуй мя.

Бди, о душѣ моя! Изрѣдствуй якоже дрѣвле великий в патриарсех, да стѣжеши деяние с разумом, да будеши ум зряй Бога, и достигнеши незаходящій мрак в видѣнии, и будеши великий купец.

Дванадесять патриархов, великий в патриарсех детотворѣв, тайно утвердѣ тебе лествицу дѣятельнаго душѣ моя восхождения: дети, яко основания, степени, яко восхождения, премудренно подложив.

Исѣва возненавиденнаго подражала еси душѣ, отдала еси прелѣстнику твоему пѣрвыя доброты первенство, и отеческия молитвы отпала еси, и дважды поползнулася еси окаянная, деянием и разумом: темже ныне покайся.

Едом Исав наречесея, крайняго ради женонейстовнаго смешения: невоз-

держанием бо прѣсно разжигаемъ, и
сластями оскверняемъ, едомъ именован-
ся, еже глаголется разжжение души
любогреховныя.

Иова на гноищи слышавши, о душѣ
моей, оправдавшего, того мужеству
не поревновала еси, твердаго не име-
ла еси предложения, во всехъ яже
вѣси, и ѿмиже искусила еси, но
явилася еси нетерпелива.

Иже прежде на престоле, нагъ ныне
на гноищи гноенъ: многъ въ чадехъ и
славный, безчаденъ и бездомокъ напрас-
но: палату убо гноище, и бисерие
струпы вменяше.

Слава Отцу, и Сыну, и Святому
Духу.

Троиценъ: Нераздельное существомъ,
неслитное Лицы богословлю Тя, Трои-
ческое Единое Божество, яко еди-
ноцарственное и сопредстольное, во-

пию Ти песнь великую, в вышних
трегубо песнословимую.

И ныне, и присно, и во веки веков,
аминь.

Богородичен: И раждáеши и дéвству-
еши, и пребываеши обоюду естеством
Дева: рождéйся обновляет законы ес-
тества, утрóба же раждает нераждáю-
щая. Бог идéже хóщет, побеждáется
естества чин: творит бо, елика хочет.

ПЕСНЬ 5

От нóщи ўтренююща, Человеколю́бче, просве-
ти́ молюся, и наста́ви и мене́ на повелéния Твоя́:
и научи́ мя Спа́се, творíти волю́ Твою́.

Помилуй мя Боже, помилуй мя.

Моисéов слышала еси́ ковчéжец
душе́, вода́ми, волна́ми носимь рéчны-
ми, яко в чертозе древле бегающий
дéла, горькаго совета́ фараонíтска.

Аще бабы слышала еси, убиваю-
щия иногда́ безвозра́стное мýжеское,

душѣ окаянная, целомудрія деяние:
ныне яко великій Моисей, сси пре-
мудрость.

Яко Моисей великій егѣптянина,
ума уязвивши окаянная, не убила еси
душѣ: и како вселѣшися, глаголи, в
пустыню страстей покаянием;

В пустыню вселися великій Мои-
сей, гряди убо, подражай того житие,
да и в купинѣ Богоявлѣнія душѣ, в
видѣнии будеши.

Моисѣов жезл воображай душѣ,
ударяющий море, и огустевáющий
глубину, во образ Креста Божествен-
наго: ѣмже можеша и ты великая со-
вершити.

Аарон приношáше огонь Богу, непо-
рочный, нелѣстный: но Офнѣи и Фи-
неес, яко ты душѣ, приношаху чуж-
дѣе Богу оскверненное житие.

Слава Отцу, и Сыну, и Святому Духу.

Троицен: Тя Троице славим Единого Бога: Свят, Свят, Свят еси́ Отче, Сыне и Ду́ше, простое существо, Едѣни-це присно покланяемая.

И ныне, и присно, и во веки веков, аминь.

Богородичен: Из Тебе облечеса в мое смешение, нетленная, безмужная Мати Дево, Бог создавый веки, и соедини Себе человеческое естество.

ПЕСНЬ 6

Возопѣхъ всемъ сердцемъ моимъ къ Щедрому Богу, и услыша мя отъ ада преисподняго, и возведѣ отъ тли животъ мой.

Помилуй мя Боже, помилуй мя.

Вѣлны Спáсе прегрешений моихъ, яко въ мори Чермнѣмъ возвращающесе, покрывша мя внезапу, яко егѣптяны иногдѣ, и тристѣты.

Неразумное душе произволение имела еси, яко прежде Израиль: божественная бо манна предсудила еси безсловесно, любосластное страстей объядение.

Кладенцы душе, предпочла еси хананейских мыслей, паче жили камень, из негоже премудрости река, яко чаша проливает токи богословия.

Свинная мяса и котлы, и египетскую пищу, паче небесная предсудила еси душе моя, якоже древле неразумнии людие в пустыни.

Яко удари Моисей раб Твой железом камень, образно животворяя ребра Твоя прообразоваше, из нихже вси питие жизни Спасе, почерпаем.

Испытай душе и смотри, якоже Иисус Навин обетования землю, какова есть, и вселися в ню благозаконием.

Слава Отцу, и Сыну, и Святому Духу.

Троищен: Троица есмь проста, нераздельна, раздельна личне, и Единица есмь естеством соединена, Отец глаголет, и Сын, и Божественный Дух.

И ныне, и присно, и во веки веков, аминь.

Богородичен: Утроба Твоя Бога нам роди, воображена по нам: Егоже, яко Создателя всех, моли Богородице, да молитвами Твоими оправдимся.

Господи помилуй, трижды.

Слава Отцу, и Сыну, и Святому Духу, и ныне, и присно, и во веки веков, аминь.

КОНДАК, ГЛАС 6

Душе моя, душе моя, востани, что спиши; конец приближается, и имаши смутитися: воспряни убо, да по-

щадит тя Христос Бог, везде сый, и
вся исполняяй.

ПЕСНЬ 7

Согрешихом, беззаконновахом, неправдовахом
пред Тобою, ниже соблюдохом, ниже сотворихом,
якоже заповедал еси нам: но не предаждь нас до
конца, отцев Боже.

Помилуй мя Боже, помилуй мя.

Кивот яко ношашеся на колеснице,
Зан оный, егда превращшуся тельцу,
точию коснуся, Божиим искусися гне-
вом: но того дерзновения убежавши
душе, почитай Божественная честне.

Слышала еси Авессалома, како на
естество воста; познала еси того
скверная деяния, имиже оскверни ло-
же Давида отца: но ты подражала еси
того страстная и любосластная стрем-
ления.

Покорила еси неработное твое до-
стоинство телу твоему: иного бо Ахи-

тофѣла обрѣтши врага, душѣ, снизшла есѣ сего советом: но сѣя разсыпа Сам Христос, да ты всяко спасешися.

Соломонъ чюдный, и благодати премудрости исполненный, сѣя лукавое иногда пред Богом сотворив, отступи от Него: емуже ты проклятым твоим житием, душѣ уподобилася еси.

Сластьми влекомъ страстей своих оскверняшеся, увы мне, рачитель премудрости, рачитель блудных жен, и странен от Бога: егоже ты подражала есѣ умом о душѣ! Сладострастьми скверными.

Ровоаму поревновала есѣ не послушавшему совета отца, купно же и злейшему рабу Иеровоаму, прежнему отступнику душѣ: но бегай подражания, и зови Богу: согреших, ущедри мя.

Слава Отцу, и Сыну, и Святому Духу.

Троицен: Троице прѣстая, нераздѣльная, единосущная, и естество едино, свѣтове, и свет, и Свята Три, и Едино Свято поется Бог Троица: но воспой, прослави Живот и животы, душе, всех Бога.

И ныне, и присно, и во веки веков, аминь.

Богородичен: Поем Тя, благословим Тя, поклоняемся Ти Богородительнице, яко нераздельныя Троицы породила еси Единого Христа Бога, и Сама отверзла еси нам сущим на земли небесная.

ПЕСНЬ 8

Егоже воинства небесная славят, и трепещут Херувими и Серафими, всяко дыхание и тварь, пойте, благословите, и превозносите во вся веки.

Помилуй мя Боже, помилуй мя:

Ты Озїи душѣ поревновавши, сего́ прокажѣние в себе стяжала еси́ сугубо: безмѣстная бо мы́слиши, беззаконная же дѣеши: остави яже ѿмаши, и притецы к покаянію.

Ниневїтяны душѣ слышала еси́ ка́ющіися Богу, врѣтищем и пѣпелом, сих не подражала еси: но явилася еси́ злейшая всех, прежде закона, и по законе прегрѣшивших.

В ровѣ блата слышала еси́ Иеремїю душѣ, града Сїо́ня рыданьми вопіюща, и слез ищуща, подражай сего́ плачевное житіе и спасешися.

Ио́на в Фарсіс побегѣ, проразумев обращеніе ниневїтянов, разуме бо яко пророк Божіе благоутробіе: тем же ревноваше пророчеству не солгáтися.

Данїїла в ровѣ слышала еси, како загради уста, о душѣ, зверей: увѣде-

ла еси, како ѓтроцы ѓже о Азѓрии, по-
гасиша верою пѣщи пламень горящій.

Ветхаго Завета вся приведох ти ду-
шѣ, к подобію: подражай праведных
боголюбивая деянія, избегни же пѓки
лукавых грехов:

Слава Отцу, и Сыну, и Святому
Духу.

Троицен: Безначальне Отче, Сыне
Собезначальне, Утѣшителю благій,
Душе правый: Слова Божія Родите-
лю, Отца Безначальна Слове, Душе
живый и зїждяй, Троице Едїнице,
помилуй мя.

И ныне, и присно, и во веки веков,
аминь.

Богородичен: Яко от оброщѣнія черв-
ленїцы Пречистая, умная багрянїце
Еммануїлева, внутрь во чреве Твоем
плоть исткася. Темже Богородицу во-
истинну Тя почитаем.

ПЕСНЬ 9

Безсѣменнаго зачатія рождество несказанное, Матере безмужныя нетленен плод: Божие бо рождение обновляет естества. Темже Тя вси рѣди, яко Богоневестную Матерь, православно величаем.

Помилуй мя Боже, помилуй мя.

Христос искушашеся, диавол искушаше, показуя камене, да хлеби будут: на гору возведѣ видети вся царствія мира во мгновении. Убѣйся о душѣ, ловлѣния, трезвься, молися на всякий час Богу.

Горлица пустынолюбная, глас вопиющаго возгласи, Христов светильникъ, проповѣдуяй покаяние, Ирод беззаконнова со Иродиадою. Зри душѣ моя, да не увязнеши в беззаконныя сѣти, но облобызай покаяние.

В пустыню вселися благодати Предтѣча, и Иудѣа вся и Самарія слышавше течяху, и исповѣдаху гре-

хи своя, крещáющеся усердно: ѡхже ты не подражала еси́ душѣ.

Бракъ ѹбо честный, и ложе несквѣрно: обоѡ бо Христосъ прежде благослови, плотию ядый, и в Канѣ же на браце воду в вино совершая, и показуя первое чудо: да ты изменишися, о душѣ.

Разслабленнаго стягну Христосъ, одръ взявша, и юношу умѣрша воздвѣже, вдовѣче рождение и сѣтница ѡтрока, и самаряныне явися, в дѣсе службу тебе душѣ предживописа.

Кровоточивую исцели прикосновениемъ края ризна Господь: прокаженныя очисти: слѣпыя и хромыя просветив, исправи: глухія же и немыя, и нищія нѣзу исцели словомъ: да ты спасешися окаянная душѣ.

Слава Отцу, и Сыну, и Святому Духу.

Троицен: Отца прославим, Сына превознесем, Божественному Духу верно поклонимся, Троице Нераздельней, Единице по существу, яко Свету и светом, и Животу́ и животом, Животворящему и просвещающему концы.

И ныне, и присно, и во веки веков, аминь.

Богородичен: Град Твой сохраняй Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

Преподобне отче Андрее, моли Бога о нас.

Андрее честный, и отче треблаженнейший, пастырю Крѣтский, не престай моляся о воспевающих тя: да избавимся вси гнева и скорби, и тления, и прегрешений безмерных чтущи твою память верно.

В СРЕДУ ПЕРВОЙ СЕДНИЦЫ СВЯТОГО ПОСТЯ

ПЕСНЬ I

Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его: славно бо прославися.

Помилуй мя Боже, помилуй мя.

От юности Христе, заповеди Твоя преступихъ, всестрѣстно небрегій, уныніемъ преидохъ житіе. Темже зову Ти Спáсе: понé на конецъ спаси мя.

Повержена мя Спáсе, предъ враты Твоими, понé на старость не отрини менé во адъ тща, но прежде конца, яко Человеколюбецъ, даждь ми прегрешеній оставление.

Богатство мое Спáсе, изнунивъ в блудé, пустъ есмь плодовъ благочесті-

вых, ѡлчен же зову: Отче щедрот, предварив Ты мя ущебри.

В разбойники впадѣй аз есмь, помышленьми моими, весь от них уязвѣхся ныне, и исполнихся ран: но Сам ми представ, Христе Спáсе исцели.

Священник мя предвѣдев мимо ѣде, и левѣт виде в лютых нáга презре: но из Марии возсиявый Иисусе, Ты представ ущебри мя.

Преподобная мати Марие, моли Бога о нас.

Ты ми даждь светозарную благодать от божественнаго свыше промышления, избежати страстей омраченія, и пети усердно, твоего Марие житія, красная исправления.

Слава Отцу, и Сыну, и Святому Духу.

Троицен: Пресущная Троице, во Едѣнице покланяемая, возмѣ брѣмя от

мене тяжкое греховное, и яко Благоутрѣбна, даждь ми слезы умиления.

И ныне, и присно, и во веки веков, аминь.

Богородичен: Богородице, надежде и предстательство Тебе поющих, возмѣ бремя от мене тяжкое греховное, и яко Владычица Чистая, кающаяся приими мя.

ПЕСНЬ 2

Вонмѣ небо, и возглаголю, и воспою Христа, от Девы плотию пришедшаго.

Помилуй мя Боже, помилуй мя.

Поползѡхся яко Давид блудно, и осквернихся: но омый и мене Спáсе, слезами.

Ни слез, ниже покаяния ѣмам, ниже умиления: Сам ми сия Спáсе, яко Бог даруй.

Погубих первозданную доброту и благолепие мое, и ныне лежу наг, и стыждуся.

Дверь Твою не затвори мне тогда, Господи, Господи: но отверзи ми сию кающемуся Тебе.

Внуши воздыхания души моя, и очию моею примѣ капли Спáсе, и спаси мя.

Человеколюбче хотяй всем спастися, Ты воззови мя, и прими яко Благ кающагося.

Богородичен: Пречистая Богородице Дево, Едина всепетая, моли прилежно, во ёже спастися нам.

Иный ирмѳс: Вѣдите вѣдите, яко Аз есмь Бог: мánну одождѣвый, и вѳду из кáмене источѣвый дрѣвле в пустыни людем Моѣм, десницей единою, и крѣпостию Моѣю.

Видите видите, яко Аз есмь Бог: внушай душѣ моя, Господа вопиюща, и удалися прежняго греха, и бойся яко неумытнаго, и яко Судий и Бога.

Кому уподобилася еси многогрешная душѣ; токмо первому Кáину, и Ламѣху óному, каменовáвшая тело злодѣйствы, и убившая ум безсловесными стремленьми.

Вся прежде закона претѣкши, о душѣ! Сѣфу не уподобилася еси, ни Ено́са подражала еси, ни Ено́ха предложением, ни Ноя: но явилася еси убога праведных жизни.

Еди́на отверзла еси хля́би гнева Бога твоего, душѣ моя, и потопила еси всю, ꙗ́коже землю плоть, и де́яния и жити́е, и пребыла еси вне спасительнаго ковче́га.

Преподобная мати Марие, моли Бога о нас.

Всем усердием, и любовью притекла еси Христу, первый греха путь отврати, и в пустынях непроходимых питающийся, и того чисте совершающий Божественныя заповеди.

Слава Отцу, и Сыну, и Святому Духу.

Троицен: Безначальная, Несозданная Троице, Нераздельная Единице, кающаяся мя прими, согрешивша спаси, Твое есмь создание, не презри: но пощади и избави огненного мя осуждения.

И ныне, и присно, и во веки веков, аминь.

Богородичен: Пречистая Владычице, Богородительнице, надеждо к Тебе притекающих, и пристанище сущих в буре, Милостиваго и Создателя, и Сына Твоего умилостиви и мне молитвами Твоими.

ПЕСНЬ 3

Утверди Господи, на каменеи заповедей Твоих,
подвигшееся сердце мое, яко Един Свят еси и Гос-
подь.

Помилуй мя Боже, помилуй мя.

Благословения Симова не насле-
довала еси душе окаянная: ни простран-
ное одержание, якоже Иафет, имела
еси на земли оставления.

От земли Харран, изыди от греха
душе моя, гряди в землю точащую
присноживотное нетление, еже Ав-
раам наследова.

Авраама слышала еси душе моя,
древле оставльша землю отечества, и
бывша пришельца, сего произволё-
нию подражай.

У дуба Мамврийскаго учредив па-
триарх Ангелы, наследова по ста-
рости обетования ловитву.

Сим. Иафет и Харран -
Сим. Иафет и Харран -

Иса́ака, ока́янная ду́ше моя, разу-
мевши новую жертву, тайно всесож-
же́нную Го́сподеви, подражай его про-
изволе́нию.

Исма́ила слышала еси́, трезви́ся
ду́ше моя, изгна́на яко рабы́нино от-
рожде́ние, виждь, да не ка́ко подобно
что постраждеши ласкосе́рдствующи.

Преподо́бая мати Ма́рие, моли Бога о нас.

Содержимъ есмь бурею, и тревол-
нением согрешений, но сама мя мати
ныне спаси, и к пристанищу Божест-
веннаго покаяния возведи.

Преподо́бая мати Ма́рие, моли Бога о нас.

Рабское моление и ныне преподо́б-
ная прине́сши ко благоутро́бней мо-
литвами Твоими Богородице, отве́рзи
ми Боже́ственные входы.

Слава Отцу, и Сыну, и Святому
Духу.

Троицен: Троице прѡстая, несоздѡная, Безначѡльное естество, в Троице певѡемая Ипостѡсей, спаси ны ве рою покланяющихся державе Твоей.

И ныне, и присно, и во веки веков, аминь.

Богородичен: От Отца безлетна Сына, в лето Богородительнице, неискусомужно родила еси, странное чудо, пребывши Дева доящи.

ПЕСНЬ 4

Услыша прорѡк пришѣствие Твое Господи, и убоясь, яко хощеши от Девы родиться, и человеком явиться, и глаголаше: услышах слух Твой, и убоясь, слава силе Твоей Господи.

Помилуй мя Боже, помилуй мя.

Тело осквернися, дух окаляся, весь острупихся: но яко врачь Христе, обоя покаянием моим уврачууй, омой, очисти, покажи Спасе мой, паче снега чистейша.

Тело Твое и Кровь распинаемый о
всех положил еси Слове: Тело убо, да
меня обновіши: Кровь, да омыеши мя:
Дух же предал еси, да мя приведёши
Христё, Твоему Родітелю.

Соделал еси спасение посреде зем-
ли Щедре, да спасемся. Волею на дре-
ве распялся еси. Эдем затворённый
отвёрзеса, горняя и дольная тварь,
языцы вси спасёни покланяются
Тебе.

Да будет ми купель, кровь из ребр
Твоих, вкупе и питіе, источившее во-
ду оставлѣнія, да обоюду очищаюся,
помазуюся и пия: яко помазание и пи-
тіе Слове, животочная Твоя словеса.

Чашу Церковь стяжа, ребра Твоя
живоносная, из нихже сугубыя нам
источи токи, оставления и разума, во
образ Древняго и Новаго двоих вку-
пе Заветов, Спасе наш.

Наг есмь чертога, наг есмь и брака,
купно и вѣчери: светильник угасѣ, яко
безъелѣйный, чертог заключися мне
спящу, вѣчеря снесся: аз же по руку
и ногу связан, вон низвержен есмь.

Слава Отцу, и Сыну, и Святому
Духу.

Троицен: Нераздельное существомъ,
неслитное Лицы богословлю Тя, Трои-
ческое Единое Божество, яко еди-
ноцарственное и сопрестольное, во-
пию Ти песнь великую, в вышних
трегубо песнословимую.

И ныне, и присно, и во веки веков,
аминь.

Богородичен: И раждаеши и дѣвству-
еши, и пребываеши обоюду естествомъ
Дева: рождѣйся обновляет законы ес-
тества, утроба же раждает нераждаю-
щая. Бог идеже хощет, побеждается
естества чин: творит бо, елика хощет.

ПЕСНЬ 5

От нощи ўтреннююща, Человеколюбче, просвети молюся, и настави и мене на повелѣния Твоя: и научи мя Спáсе, творити волю Твою.

Помилуй мя Боже, помилуй мя.

Яко тяжкий нравом, фараону горькому бых Владыко, Ианни, и Иамври, душею и телом, и погружен умом: но помози ми.

Кáлом смесихся окаянный умом, омый мя Владыко, банею моих слез, молю Тя, плоти моя одежда убелив яко снег.

Аще испытаю моя дела Спáсе, всякаго человека превозшедша грехами себе зрю, яко разумом мѹдрствуяй согреших, не невѣдением.

Пощади, пощади Господи, создание Твое, согреших, ослаби ми, яко еством чистый Сам сый Един, и ин разве Тебе никтоже есть кромѣ скверны.

Мене ради Бог сый, вообразился есѣ в мя, показал есѣ чудеса, исцелив прокажѣнных, и разслабленнаго стягнув, кровоточивыя ток устави есѣ Спáсе, прикосновением риз.

Преподобная мати Марие, моли Бога о нас.

Струи Иорданския прешедши, обрела есѣ покой безболезненный, плоти сласти избежавши, еяже и нас измѣ твоими молитвами преподобная.

Слава Отцу, и Сыну, и Святому Духу.

Троицен: Тя Троице славим Единого Бога: Свят, Свят, Свят есѣ Отче, Сыне и Дúше, простое существо, Едѣнице присно покланяемая.

И ныне, и присно, и во веки веков, аминь.

Богородичен: Из Тебе облечѣся в мое смешѣние, нетлѣнная, безмужная Ма-

ти Дево, Бог создавый веки, и соедини Себе человеческое естество.

ПЕСНЬ 6

Возопѣхъ всемъ сердцемъ моимъ къ Щедрому Богу, и услыша мя отъ ада преисподняго, и возведѣ отъ тли животъ мой.

Помилуй мя Боже, помилуй мя.

Востани и побори, яко Иисусъ Амалика, плотскія страсти, и гаваониты, лѣстныя помыслы присно побеждающіи.

Преиди време́не текущее естество, яко прежде ковчегъ, и земли о́ныя буди во одержаніи обетованія душе́, Бог повелеваетъ.

Яко спасл еси́ Петра, возопивша спаси́, предваривъ мя Спа́се, отъ зверя избави, простеръ Твою руку, и возведи изъ глубины греховныя.

Пристанище Ты вемъ ути́шное, Владыко, Владыко Христе: но отъ незахо-

димых глубин греха, и отчаяния мя
предварив избави.

Слава Отцу, и Сыну, и Святому
Духу.

Троицен: Троица есмь прѣста, нераз-
дельна, раздельна личне, и Единица
есмь естеством соединена, Отец гла-
голет, и Сын, и Божественный Дух.

И ныне, и присно, и во веки веков,
аминь.

Богородичен: Утроба Твоя Бога нам
родѣ, воображена по нам: Егоже, яко
Создателя всех, моли Богородице, да
молитвами Твоими оправдимся.

Господи помилуй, *трижды*.

Слава Отцу, и Сыну, и Святому Ду-
ху, и ныне, и присно, и во веки ве-
ков, аминь.

КОНДАК, ГЛАС 6

Душе моя, душѣ моя, востáни, что спиши; конец приближается, и ѿмаши смутитися: воспряни́ ѹбо, да пощадит тя Христос Бог, везде сый, и вся исполняяй.

ПЕСНЬ 7

Согрѣшихом, беззакѡннахом, неправдовахом пред Тобою, ниже соблюдохом, ниже сотворѣхом, ѿкоже заповедал еси́ нам: но не предаждь нас до конца, отцев Боже.

Помилуй мя Боже, помилуй мя.

Манассѣева собралá еси́ согрѣшения изволением, поставльши яко мерзости страсти, и умноживши душѣ негодование: но того покаянiю ревнующи тёпле, стяжи́ умиление.

Ахаáвовым поревновала еси́ сквернам, душѣ моя, увy мне, была еси́ плотских скверн пребывáлище, и сосуд срамлен страстей: но из глубины

твоея воздохни, и глаголи Богу грехи твоя.

Заклучися тебе небо душѣ, и глад Божій постѣже тя: егда Ілїй Фесвѣ-
тянина ꙗкоже Ахаавъ, не покори-
словесем иногда: но Сарáпфии уподó-
бився, напитáй пророчу душу.

Попалѣ Ілїа иногда двáщи пятьде-
сят Іезавѣлиныхъ, егда студныя про-
роки погубѣ, во обличение Ахаавово:
но бегай подражания двою душѣ, и
укрепляйся.

Слава Отцу, и Сыну, и Святому
Духу.

Троицен: Троице прѣстая, нераздѣль-
ная, единосущная, и естество едино,
свѣтове, и свет, и Свята Три, и Едѣ-
но Свѣто поется Бог Троица: но вос-
пой, прослави Живот и животы, ду-
шѣ, всех Бога.

И ныне, и присно, и во веки веков,
аминь.

Богородичен: Поем Тя, благословим
Тя, покланяемся Ти Богородительнице,
яко нераздельныя Троицы породила
еси Единого Христа Бога, и Сама
отверзла еси нам сущим на земли
небесная.

ПЕСНЬ 8

Егоже воинства небесная славят, и трепещут
Херувими и Серафими, всяко дыхание и тварь, пойте,
благословите, и превозносите во вся веки.

Помилуй мя Боже, помилуй мя.

Правосуде Спасе помилуй, и избави
меня огня, и прещения, еже имам на
суде праведно претерпети: ослаби ми
прежде конца, добродетелию и покаянием.

Яко разбойник вопию Ти: помяни
меня. Яко Петр плачу горце: ослаби ми
Спасе. Зову яко мытарь: слезю яко

блудница. Приими мое рыдание, якоже иногда Хананѣино.

Гноѣние, Спáсе, исцелѣ смиренныя моея душѣ: Едѣне Врачу, пластырь мне наложи, и елѣй и вино, дела покаяния, умиление со слезами.

Хананѣю и аз подражая, помилуй мя, вопию, Сыне Давидов: касаюся края ризы, яко кровоточѣвая: плачу, яко Марфа и Мариа над Лазарем.

Слава Отцу, и Сыну, и Святому Духу.

Троицен: Безначальне Отче, Сыне Собезначальне, Утѣшителю благѣй, Душе правый: Сло́ва Божия Родѣтелю, Отца Безначальна Слове, Душе живѣй и зѣждяй, Троице Едѣнице, помилуй мя.

И ныне, и присно, и во веки веков, аминь.

Богородичен: Яко от оброщѣния червленѣицы Пречистая, умная багрянѣице Еммануїлева, внутрь во чреве Твоемъ плоть истка́ся. Темже Богородицу воистинну Тя почитаемъ.

ПЕСНЬ 9

Безсѣменнаго зачатїя рождество несказанное, Матере безмужныя нетленен плодъ: Божне бо рожденье обновляетъ естества. Темже Тя вси родѣ, яко Богоневѣстную Матерь, православно величаемъ.

Помилуй мя Боже, помилуй мя.

Недуги исцеляя, нищимъ благовѣстоваше Христосъ слово, вредныя уврачеваша, с мытарѣй ядыше, со грѣшники бесѣдоваше, Иаїровы дщере душу предумершую возврати осязаниемъ руки.

Мытарѣ спасашеся, и блудница целомудрствоваше, и фарисѣй хваляся осуждашеся: оубо, очисти мя: ова же, помилуй мя. Сей же величашеся

вопия: Боже, благодарю тя: и прочія безумныя глаголы.

Закхѣй мытарь бе, но обѣче спаса-
шеся, и фарисей Сѣмон соблажняше-
ся, и блудница принимаше оставитель-
ная разрешенія, от имущаго крепость
оставляти грехи: юже душѣ потщися
подражати.

Блуднице, о окайнная душѣ моя, не
поревновала еси, яже примши мира
алавастр, со слезами мазаше нозѣ
Спасове, отрѣ же власы древних со-
грешений рукописаніе раздирающа-
го ея.

Грады, имже даде Христос благове-
стие, душѣ моя, уведала еси, како
прокляти быша. Убойся указанія, да
не будеши якоже оны, ихже содомля-
ном Владыка уподобив, даже до ада
осуди.

Да не горшая, о душѣ моя, явѣши-
ся отчаянием, хананѣи веру слышав-
шая, еяже дщи словом Божиим исце-
лится: Сыне Давидов, спаси и мене,
воззови из глубины сердца, якоже она
Христу.

Слава Отцу, и Сыну, и Святому
Духу.

Троицен: Отца прославим, Сына пре-
вознесём, Божественному Духу вер-
но поклонѣмся, Троице Нераздель-
ней, Едѣнице по существу, яко Све-
ту и светом, и Животу и животом,
Животворящему и просвещающему
концы.

И ныне, и присно, и во веки веков,
аминь.

Богородичен: Град Твой сохраняй Бо-
городѣтельнице Пречистая, в Тебе бо
сей верно царствуяй, в Тебе и ут-
верждается, и Тобою побеждаяй, по-

беждает всякое искушение, и пленяет ратники, и проходит послушание.

Преподобне отче Андрее, моли Бога о нас.

Андрее честный, и отче треблаженный, пастырю Критский, не престай моляся о воспевающих тя: да избавимся вси гнева и скорби, и тления, и прегрешений безмерных чтущии твою память верно.

В ЧЕТВЕРГ ПЕРВОЙ СЕДНИЦЫ СВЯТОГО ПОСТЯ

ПЕСНЬ 1

Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его: славно бо прославися.

Помилуй мя Боже, помилуй мя.

Агнче Божий, взёмляй грехи всех, возми бремя от мене тяжкое греховное, и яко благоутрѣбен, даждь ми слезы умиления.

Тебе припадаю Иисусе, согреших Ти, очисти мя, возми бремя от мене тяжкое греховное, и яко благоутрѣбен, даждь ми слезы умиления.

Не вниди со мною в суд, нося моя деяния, словеса изыскупа, и исправляя стремления: но в щедротах Твоих презирая моя лютая, спаси мя Всесильне.

Покаяния время, прихожду Ти Создателю моему, возми бремя от мене тяжкое греховное, и яко благоутробен, даждь ми слезы умиления.

Богатство душевное иждив грехом, пуст есмь добродетелей благочестивых, глѣдствуя же зову: милости Подателю Господи, спаси мя.

Преподобная мати Марие, моли Бога о нас.

Приклѣншися Христовымъ Божественнымъ закономъ, къ сему приступила еси, сладостей неудержимая стремления оставивши, и всякую добродетель всеблагоговѣйно, яко единому исправила еси.

Слава Отцу, и Сыну, и Святому Духу.

Троицен: Пресущественная Троице, во Единице покланяемая, возми бремя от мене тяжкое греховное, и яко

Благоутрѣбна, даждь ми слезы умиления.

И ныне, и присно, и во веки веков, аминь.

Богородичен: Богородице, надежде и предстательство Тебе поющих, возми бремя от мене тяжкое греховное, и яко Владычица Чистая, кающаяся приими мя.

ПЕСНЬ 2

Видите, видите, яко Аз есмь Бог мѣнну одождивый, и воду из камене источивый древле в пустыни людем Моим, десницею единою, и крепостию Моею.

Помилуй мя Боже, помилуй мя.

Мужа убих, глаголет, в язву мне, и юношу в струп, Ламех рыдая вопиюще: ты же не трепещеши, о душе моя, окалявши плоть, и ум осквернивши.

Столп умудрила еси создати, о
душѣ, и утверждение водрузити тво-
ими похотѣми: аще не бы Зиждитель
удержал совѣты твоя, и низвергн на
землю ухищрения твоя.

О како поревновах Ламеху, перво-
му убийце, душу яко мужа, ум яко
юношу, яко брата же моего тело
убив, яко Каин убийца, любосластны-
ми стремленьми.

Одожди Господь от Господа огонь
иногда, на беззаконие гневающее,
сожѣг содомляны: ты же огонь вжegli
еси геенский, в немже имаши, о
душѣ, сожещися.

Уязвихся, уранихся, се стрелы вра-
жия, уязвившая мою душу и тело: се
струпи, гноения, омрачения, вопиют
раны самовольных моих страстей.

Преподобная мати Марие, моли Бога о нас.

Простерла еси руце твои к Щедрому Богу, Марие, в бездне зол погружаемая: и якоже Петру человеколюбно, руку Божественную простре, твое обращение всячески иский.

Слава Отцу, и Сыну, и Святому Духу.

Троицен: Безначальная, Несозданная Троице, Нераздельная Единице, кающаяся мя прими, согрешивша спаси, Твое есмь создание, не презри: но пощади и избави огненного мя осуждения.

И ныне, и присно, и во веки веков, аминь.

Богородичен: Пречистая Владычице, Богородительнице, надеждо к Тебе притекающих, и пристанище сущих в бури, Милостиваго и Создателя, и Сына Твоего умоли и мне молитвами Твоими.

ПЕСНЬ 3

Утверди Господи, на камени заповедей Твоих,
подвигшееся сердце мое, яко Един Свят еси и Гос-
подь.

Помилуй мя Боже, помилуй мя.

Агаре древле душе, египтяныне
уподобилася еси, поработившися про-
изволением, и рождши новаго Исмаи-
ла, презорство.

Иаковлю лествицу разумела еси
душе моя, являемую от земли к не-
бесем, почто не имела еси восхода
тверда, благочестия;

Священника Божия, и царя уедине-
на, Христово подобие, в мире жития,
в человецех подражай.

Обратися, постени душе окаянная,
прежде даже не примет конец жи-
тия торжество: прежде даже дверь не
заключит чертога Господь.

Не буди столп слáнный душé, возвратившись вспять: образ да устрашит тя содомский, горé в Сигóр спасайся.

Моления Владыко, Тебе поющих не отвержи: но ущебри Человеколю́бче, и подаждь верою просящим оставление.

Слава Отцу, и Сыну, и Святому Духу.

Троицен: Троице прóстая, несоздáнная, Безначáльное естество, в Троице певáемая Ипостáсей, спаси ны верою покланяющияся державе Твоей.

И ныне, и присно, и во веки веков, аминь.

Богородичен: От Отца безлетна Сына, в лето Богородíтельнице, неискусомужно родилá еси, странное чудо, пребывши Дева доящи.

ПЕСНЬ 4

Услы́ша проро́к прише́ствие Твое Господи, и
убо́йся, яко хо́щеша от Девы роди́тися, и челове́-
ком яви́тися, и глаго́лаше: услы́шах слух Твой, и
убо́яхся, слава си́ле Твоёй Господи.

Помилуй мя Бо́же, помилуй мя.

Время живота моего ма́ло, и испол-
нено болезней и лука́вства: но в по-
каянии мя прими, и в разум призо-
ви, да не буду стяжание, ни бра́шно
чужде́му, Спа́се, Сам мя уще́дри.

Царским достоинством, венце́м и
багряницею оде́ян, многоиме́нный че-
ловек и пра́ведный, богатством кипя́
и ста́ды, внеза́пу богатства, славы
царства обнищав лиши́ся.

Аще праведен б́яше он, и непоро́-
чен па́че всех, и не убе́же ловле́ния
льстиваго и сети: ты же грехолю́би-
ва су́щи окаянная ду́ше, что сотвори-
ши, а́ще чесому́ от недове́домых слу-
чится наити́ тебе;

Высокоглаго́лив ныне есмь, жесток же и сердцем, вотще́ и всѹе, да не с фарисеем осѹдиши мя, паче же мытарево смирение подаждь ми Едине Щедре, Правосуде, и сему мя сочисли́.

Согреши́х, досадив сосуду плоти моея, вем Щедре: но в покаянии мя прими, и в разум призови, да не буду стяжание, ни бра́шно чужде́му, Спа́се, Сам мя ущедри.

Самоистукáн бых страстьми́, душу мою вредя́ Щедре, но в покаянии мя прими, и в разум призови, да не буду стяжание, ни брашно чуждему, Спа́се, Сам мя ущедри.

Не послушах гласа Твоего, преслушах писание Твое Законоположника: но в покаянии мя прими, и в разум призови, да не буду стяжа́ние, ни брашно чужде́му, Спа́се, Сам мя ущедри.

Преподобная мати Маріе, моли Бога о нас.

Великих безместій во глубину низвѣдшися, не одержима была еси: но востекла еси помыслом лучшим, к крайней деянью яве добродетели преславно, Ангельское естество Маріе удививши.

Слава Отцу, и Сыну, и Святому Духу.

Троицен: Нераздельное существом, неслитное Лицы богословлю Тя, Троическое Едино Божество, яко единоцарственное и сопрестольное, вопию Ти песнь великую, в вышних трегубо песнословимую.

И ныне, и присно, и во веки веков, аминь.

Богородичен: И раждаеши и деествуеши, и пребываеши обоюду естеством Дева: рождѣйся обновляет законы естества, утроба же раждает нераждаю-

щая. Бог идѣже хощет, побеждаѣтся
естества чин: творит бо, елика хощет.

ПЕСНЬ 5

От нощи ўтренююща, Человеколюбче, просвети
молюся, и настави и мене на повелѣння Твоя:
и научи мя Спасе, творити волю Твою.

Помилуй мя Боже, помилуй мя.

Нѣзу снѣчащую подражай о душѣ,
прииди, припади к ногѣмъ Иисусовымъ,
да ты исправит, и да ходиши право
стеzi Господни.

Аще и кладязь еси глубокий Владыко,
источи ми воду из Пречистых
Твоихъ жил, да яко Самаряныня, не
къмѣ пий жажду: жизни бо струи
источаеши.

Силоам да будут ми слезы моя,
Владыко Господи, да умѣю и аз зеницы
сердца, и вѣжду Тя умно, Света
превечна.

Преподобная мати Маріе, моли Бога о нас.

Несравненным желанием всебогатая, древу возжелѣвши поклониться живѣтному, сподобилася есѣ желанія: сподоби ѹбо и мене уллучити вышнія славы.

Слава Отцу, и Сыну, и Святому Духу.

Троицен: Тя Троице славим Единого Бога: Свят, Свят, Свят есѣ Отче, Сыне и Дѹше, простое существо, Едѣнице присно покланяемая.

И ныне, и присно, и во веки веков, аминь.

Богородичен: Из Тебе облечѣся в мое смѣшеніе, нетленная, безмѹжная Мати Дево, Бог создáвый веки, и соедини Себе человеческое естество.

ПЕСНЬ 6

Возопѣх всем сердцем моим к Щедрому Богу, и услыша мя от ада преисподняго, и возведѣ от тли живот мой.

Помилуй мя Боже, помилуй мя.

Аз есмь, Спáсе, юже погубил еси древле царскую дра́хму: но вжег светильник Предтечу Твоего Слове, взыщи и обрящи Твой образ.

Востани и побори, яко Иисус Амалика, плотскія страсти, и гаваоніты, лѣстныя по́мыслы, присно побеждаючи.

Преподобная мати Маріе, моли Бога о нас.

Да страстѣй пламень угасиши, слез капли источáла еси прісно Маріе, душѣю распалѣема, ихже благодать подаждь и мне твоему рабу.

Преподобная мати Маріе, моли Бога о нас.

Безстрастіе небесное стяжала еси, крайним на земли житіем мати. Тем же тебе поющим, страстей избавитися молитвами твоими, молися.

Слава Отцу, и Сыну, и Святому Духу.

Троицен: Троица есмь простá, нераздельна, раздельна личне, и Едѣница есмь естеством соединѣна, Отец глаголет, и Сын, и Божественный Дух.

И ныне, и присно, и во веки веков, аминь.

Богородичен: Утрóба Твоя Бога нам родѣ, воображѣна по нам: Егоже, яко Создателя всех, моли Богородице, да молитвами Твоими оправдимся.

Господи помилуй, *трижды*.

Слава Отцу, и Сыну, и Святому Духу, и ныне, и присно, и во веки веков, аминь.

КОНДАК, ГЛАС 6

Душе моя, душѣ моя, востáни, что спиши; конец приближается, и ймаши смутитися: воспрянѣ ўбо, да по-

щадит тя Христос Бог, везде сый, и вся исполняяй.

ПЕСНЬ 7

Согрешѣхомъ, беззаконновахомъ, неправдовахомъ предъ Тобою, ниже соблюдохомъ, ниже сотворѣхомъ, якоже заповедалъ еси намъ: но не предаждь насъ до конца, отцевъ Боже.

Помилуй мя Боже, помилуй мя.

Исчезоша днѣи мои, яко сонѣе востающаго: темже яко Езекиа слезю на ложи моемъ, приложитися мнѣ лѣтомъ животѣ. Но кий Исѣаи предстанетъ тебѣ душѣ, аще не всехъ Богъ;

Припадаю Ти, и приношу Тебѣ, якоже слезы глаголы моя: согрѣшихъ, яко не согрѣши блудница, и беззаконновахъ, яко иный никтоже на земли: но ущѣдри Владыко, творение Твое, и воззови мя.

Погребѣхъ образъ Твой, и растлѣхъ заповѣдь Твою, вся помрачѣхъ добрѣта,

и страстьми угасися, Спасе, свеща: но
ущедри в воздаждь ми, якоже поет Да-
вид, радование.

Обратися, покайся, открый сокро-
венная, глаголи Богу вся Вѣдущему:
Ты веси моя тайная, Едине Спасе: но
Сам мя помилуй, якоже поет Давид,
по милости Твоей.

Преподобная мати Марие, моли Бога о нас.

Возопивши к Пречистей Богомате-
ри, первее отринула еси неистовство
страстей, ну́жно стужающих, и посра-
мила еси врага запѣншаго: но даждь
ныне помощь от скорби, и мне рабу
твоему.

Преподобная мати Марие, моли Бога о нас.

Егоже возлюбила еси, Егоже воз-
желѣла еси, Егоже ради плоть изну-
рила еси преподобная, моли ныне
Христа о рабех: яко да милостив быв

всем нам, мирное состояние дарует почитающим Его.

Слава Отцу, и Сыну, и Святому Духу.

Троицен: Троице прѡстая, нераздѣльная, единосущная, и естество едѣно, свѣтове, и свет, и Свята Три, и Едѣно Свято поется Бог Троица: но воспой, прослави Живот и животы, душе, всех Бога.

И ныне, и присно, и во веки веков, аминь.

Богородичен: Поем Тя, благословим Тя, покланяемся Ти Богородительнице, яко нераздельныя Троицы породила еси Единого Христа Бога, и Сама отверзла еси нам сущим на земли небесная.

ПЕСНЬ 8

Егоже воннства небесная славят, и трепещут Херувими и Серафими, всяко дыханье и тварь, пойте, благословите, и превозносите во вся веки.

Помилуй мя Боже, помилуй мя.

Слезную Спáсе стклѣяницу, яко миро истощавáя на главú, зову Ти ꙗкоже блудница, милости ѣщущая, мольбу приношу, и оставление прошú приѣти.

Аще и никтоже, ꙗкоже аз, согреши Тебе, но обаче прими и мене, Благоутробне Спáсе, страхом кающася, и любовию зовуща: согреших Тебе единому: помилуй мя Милостиве.

Пощади Спáсе Твое создание, и взыщи яко пастырь погибшее, предвари заблуждшаго, восхити от волка, сотвори мя овчá на пастве Твоих овец.

Егда Судіе сѣдеши яко благоутрѣбен, и покажеші страшную славу Твою Спáсе: о каковый страх тогда! Пещи горящей, всем боящимся нестерпимаго судѣща Твоего.

Преподобная мати Марие, моли Бога о нас.

Света незаходимаго ма́ти, ты просвети́вши, от омрачения страсте́й разреши. Темже вше́дши в духовную благодать, просвети́ Марие, ты верно восхваля́ющия.

Преподобная мати Марие, моли Бога о нас.

Чу́до но́во ви́дев, ужаса́шеся Божественный в тебе воистинну мати Зо́сима: Ангела бо зря́ше во плоти, и ужасом весь исполня́шеся, Христа поя во веки.

Слава Отцу, и Сыну, и Святому Духу.

Трои́чен: Безначальне Отче, Сыне Собезначальне, Уте́шителю благи́й, Ду́ше правый: Слова Божия Родите́лю, Отца Безначальна Слове, Ду́ше живы́й и зи́ждяй, Троице Еди́нице, помилуй мя.

И ныне, и присно, и во веки веков,
аминь.

Богородицен: Яко от оброщёния червлёницы Пречистая, умная багряннице Еммануїлева, внутрь во чреве Твоем плоть истка́ся. Темже Богородицу воистинну Тя почитаем.

ПЕСНЬ 9

Безсе́меннаго зача́тия рождество несказанное, Матере безмужныя нетлѣнен плод: Божие бо рождение обновляет естества. Тѣмже Тя вси рѣди, яко Богоневѣстную Матерь, православно величаем.

Помилуй мя Боже, помилуй мя.

Умилосѣрдися, спаси́ мя, Сыне Давидов помилуй, бесну́ющияся словом исцели́вый, глас же благоутро́бный яко разбойнику мне рцы: аминь глаголю тебе, со Мною будеши в раи, егда при́иду во славе Моей.

Разбойник оглаго́ловаше Тя, разбойник богослѡвѣаше Тя, оба бо на

крестѣ свѣсяста: но, о Благоутробне, яко верному разбойнику Твоему, познавшему Тя Бога, и мне отвѣрзи дверь славнаго Царствія Твоего.

Тварь содрогáшеся, распина́ема Тя вѣдящи, горы и ка́менія страхом распа́хуся, и земля сотряса́шеся, и ад обнажа́шеся, и соомрача́шеся свет во дни, зря Тебе Иисусе, пригвождѣна ко Кресту.

Достойныхъ покаянія плодѣвъ не истяжи́ от мене, ибо крепость моя во мне оскудѣ: сердце мне даруй присно сокрушенное, нищету же духовную, да сія Тебе принесу, яко приятную жертву, Едине Спа́се.

Суди́е мой, и Вѣдче мой, хотя́й па́ки прии́ти со Ангелы, суди́ти миру всему, милостивнымъ Твоимъ о́комъ тогда вѣдевъ мя, пощади и уще́дри мя

Иисусе, паче всякаго естества челове́ча согреши́вша.

Преподобная мати Марие, моли Бога о нас.

Удравила еси́ всех странным житі́ем твоимъ, Аггелов чѣны, и человеков соборы, невещественно поживши, и естество прешѣдши: ѿмже, яко невещественныма ногѣма вшѣдши Маріе, Иорданъ прешла еси.

Преподобная мати Маріе, моли Бога о нас.

Умѣлостиви Создателя о хвалѣщих тя, преподобная мати, избавитися озлобленій и скорбей, ѡкрест нападающихъ: да избавившеся отъ напастей, возвеличимъ непрестанно прославльшаго тя Господа.

Преподобне отче Андрее, моли Бога о нас.

Андрее честный, и отче треблаженный, пастырю Критский, не престо́й моляся о воспевающихъ тя: да из-

бавимся вси гнева и скорби, и тления, и прегрешений безмёрных, чтущии твою память верно.

Слава Отцу, и Сыну, и Святому Духу.

Троицен: Отца прославим, Сына превознесём, Божественному Духу верно поклонимся, Троице Нераздельней, Единице по существу, яко Свету и светом, и Животу и животом, Животворящему и просвещающему концы.

И ныне, и присно, и во веки веков, аминь.

Богородичен: Град Твой сохраняй Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

ПОСЛѢДОВАНИЕ СВЯТАГО ЄЛІА (ЧИН СОБОРОВАНІЯ)

Начало обычное: Благословен Бог наш:
и Трисвятое. Пресвятая Троице: *По*
Отче наш. *Затем* Господи, поми-
луй (12). Приидите, поклонимся: *трижды.*

ПСАЛОМ 142

Господи, услыши молитву мою,
внуши моление мое во истине Твоей,
услыши мя в правде Твоей и не вни-
ди в суд с рабом Твоим, яко не оп-
равдится пред Тобою всяк живый.
Яко погна враг душу мою, смирил
есть в землю живот мой, посадил мя
есть в темных, яко мертвыя века. И
уны во мне дух мой, во мне смятеса
сердце мое. Помянух дни древния, по-
учихся во всех делах Твоих, в творе-
ниях рук Твоею поучахся. Воздох к

Тебе рѹце мои, душá моя, яко земля безвѣдная Тебе. Скорѹ услыши мя, Господи, исчезѣ дух мой, не отврати лица Твоего от менѣ, и уподѣблюся низходящымъ в ров. Слышану сотвори ми завтра мѣлость Твою, яко на Тя уповахъ. Скажи ми, Господи, путь вѣнже пойду, яко к Тебе взяхъ дѹшу мою. Изми мя отъ врагъ моихъ, Господи, к Тебе прибегахъ. Научи мя творити волю Твою, яко Ты еси Богъ мой. Духъ Твой Благій наставитъ мя на землю праву. Имене Твоего ради, Господи, живиши мя, правдою Твоею изведѣши отъ печали дѹшу мою. И мѣлостію Твоею потребиши враги моя и погубиши вся стужающыя души моеи, яко азъ рабъ Твой есмь.

Слава, и ныне: Аллилуиа, *трижды.*

Диаконъ глаголетъ ектению:

Пáки и пáки миромъ Господу помóлимся.

Заступи́, спаси́, помилуй:

Пресвяту́ю, Пречи́стую:

*И по возгласе священника лик поет:
Аминь. И тотчас же поют на 6-й глас: Ал-
лилуиа.*

Стих 1: Господи, да не яростию Твоею обличіши мене, ниже гневом Твоим накажеші мене.

Стих 2: Помилуй мя, Господи, яко немоощен есмь.

ТРОПАРИ

Помилуй нас, Го́споди, помилуй нас; всякаго бо отвѣта недоумѣюще, сию Ти мо́лѣтву яко Влады́це грѣшнии прино́сим: помилуй нас.

Слава: Го́споди, помилуй нас, на Тя бо упова́хом; не прогне́вайся на ны зело́, ниже помяни́ беззако́ний на́ших, но при́зри и ны́не яко благоутро́бен, и изба́ви ны от враг на́ших; Ты бо еси́

Бог наш, и мы лю́дие Твой, вси дела́
руку́ Твоею, и ѿмя Твое́ призыва́ем.

И ныне: Милосе́рдия двѣри отвѣр-
зи нам, благословѣнная Богоро́дице,
надѣющіися на Тя да не погѣбнем, но
да избавимся Тобо́ю от бед: Ты бо еси́
спасѣние ро́да христиа́нскаго.

Псалом 50-й: Помилуй мя, Боже:

КАНОН, ГЛАС 4-Й ПЕСНЬ 1

Моря чермную пучину, невлажными стопами,
древний пешешествовав Израиль, крестообразны-
ма моисеовыма рукама, амаликову силу в пусты-
ни победил есть.

Елеем благоутробия, Владыко, уте-
шай присно души, купно и телеса че-
ловеческая, и храняй елеем верныя:
Сам и ныне ущедри елеем приступа-
ющія к Тебе.

Твоея милости, Владыко, полна
есть вся земля: темже елеем Божест-

венным Твоим честным помазуемиднесь, еже паче ума Твоей милости, верно просим Тя, податися нам.

Слава: Помазание священное Твое, Человеколюбче, апостолом Твоим на немощствующия рабы Твоя совершати милостивно заповедавый: тех мольбами вся печатью Твоею помилуй.

И ныне: Едина мира пучину Чистая рождшая, яже к Богу молитвами Твоими присно, недугов и скорбей Твоего раба избави, яко да непрестанно возвеличит Тя.

ПЕСНЬ 3

Веселится о Тебе Церковь Твоя, Христе, зовущи: Ты моя крепость, Господи, и прибежище и утверждение.

Ты Един сый дивный в человецех верных, милостивый, болящему люте, даждь, Христе, благодать Твою свыше.

Елейный сучец иногда, к умалению потопа, Божественным Твоим показавый мановением, Господи, спаси милостию страждущего.

Слава: Свещею Божественнаго света в милости Твоей, Христе, просвети помазанием, и ныне верою к милости Твоей тщащагося.

И ныне: Призри благоприятно, Мати всех Творца, свыше, и горькое озлобление разреши недугующаго, молитвами Твоими.

СЕДАЛЕН, ГЛАС 8

Яко Божественная река милости сый, яко бездна многаго милосердия Щедре, покажи Твоя милости Божественныя струи, и всех исцели: источи чудес источники независтно, и омый всех: к Тебе бо присно притекающе, тепле благодать испрошаем.

ДРУГИЙ, ГЛАС 4

Врачу и Помощниче сущих в болез-
нях, Избавителю же и Спасе сущих
в недужех: Сам всех, Владыко и Гос-
поди, даруй исцеление недугующему
рабу Твоему, ущебри, помилуй мно-
гопрегрешившаго, и прегрешений из-
бави, Христе, яко да славит Божест-
венную силу Твою.

ПЕСНЬ 4

Вознесена Тя видевши Церковь на Кресте,
Солнце праведное, ста в чине своем, достойно взы-
вающ: слава снле Твоей, Господи.

Яко нетленное миро, Спасе, сый,
истощившееся Твоею благодатию, и
мир очищающее, ущебри и помилуй
Божественне, верою струпы телесныя
помазующаго.

Тихостию печати Твоя милости,
ныне чувства, Владыко, знаменав
Твоих рабов, непреходимь, непресту-

пен вход сотвори всем сопротивным
силам.

Слава: Призывати повелеваяй немощствующим священнодействители Божественныя Твоя, и сих молитвою и помазанием елея Твоего, Человеколюбче, спасатися, спаси Твоею милостию страждущаго.

И ныне: Богородице Приснодево Пресвятая, покрове крепкий и хранительнице, пристанище же и стено, лестнице и предградие, помилуй, ущедри болящаго, к Тебе бо и единой прибеже.

ПЕСНЬ 5

Ты, Господи мой, свет в мир пришел еси, свет святой, обращаай из мрачна неведения, верою воспевающая Тя.

Сый, Блаже, милости бездна, помилуй, Милостиве, Твоею Божествен-

ною милостию страждущаго, яко благоутробен.

Души наша, Христе, и телеса, свыше печати Твоея Божественным воображением освятив несказанно, рукою Твоею всех исцели.

Слава: Неизреченною Твоею любовью, преблагий Господи, приемый блудницею сущее от мира помазание, ущедрь раба Твоего.

И ныне: Всепетая, Чистая, Преподобная Владычице, помилуй Божественным помазующихся елеем, и спаси раба Твоего.

ПЕСНЬ 6

Пожру Ти со гласом хваления, Господи, Церковь вопиет Ти, от бесовския крове очищися, ради милости от ребр Твоих истекшею Кровию.

Словесы Твоими, елеем показавый, Человеколюбче, в царех помазание, и архиереи сие совершывый: печатю

Твоею и страждущаго спаси, яко благоутробен.

Приобщение да не от горьких бесов прикоснется, помазанием Божественным знаменаному Спасе чувства: но покровом обстени сего славы Твоея.

Слава: Подаждь руку Твою с высоты, Человеколюбче, и Твой елей, Спасе, подаждь рабу Твоему на здравие, и недугов всех на избавление.

И ныне: Явилася еси в Божественном Твоем храме плодovitая, Мати Творца, маслина, Еюже исполнен явился мир милости: темже спасай молитвами осязания Твоего страждущаго.

КОНДАК, ГЛАС 2

Милости источник сый преблагий, верою теплою к милости неизреченной Твоей припадающия, Благоутроб-

не, от всякаго избави озлобления, и тех недуги возьм, подаждь Божественную благодать свыше.

ПЕСНЬ 7

В пещи авраамстии отроцы персидстей, любовию благочестия паче, нежели пламенем опаляеми, взываху: благословен еси в храме славы Твоея, Господи.

Ты в милости и щедротах Твоих, Спасе, едине Боже, всех исцеляяй, страсти же душевныя, и телесная сокрушения, и сего в недужех страждущаго, Сам исцеляя уврачуй.

Внегда помазатися елеем помазания всех главам, подаждь сему веселия радость, милость ищущему Твоего избавления, Христе, богатою Твоею милостию даруй, Господи.

Слава: Мечь есть над демоны, Спасе, Твоя печать: огонь же пополаяй страсти душевныя, священников

мольбы. Темже верно поем Тя приемлющий исцеление.

И ныне: Ты держащаго горстию вся, Мати Божия, внутрь во чреве приимши, Боголепно, и неизреченно воплотивши, о страждущем умиловити сего просим.

ПЕСНЬ 8

Руце распростер Даниил, львов зияния в рове затчѣ: огненную же силу угасиша, добродетелию препоясавшеся, благочестия рачители отроцы, взывающе: благословите, вся дела Господня, Господа.

Вся помилуй, Спасе: по велицей Твоей и Божественной милости: сего ради собрахомся вси, тайно вообразующе щедрот Твоих приклонение, помазание приносяще елеем, верою Твоему рабу, егоже и посети.

Струями милости Твоея, Христе, и помазании священников Твоих, омый яко благоутробен, Господи, болезни и

озлобление, и болезней нашествия, в
нуждах страстей мучимаго, яко да
славит Тя спасся благодарственно.

Слава: Знамение еже свыше при-
клонения и тихости, милость Божест-
венную нам приписующим, Владыко,
не удали Твоя милости, ниже презри
верою присно зовущаго: благослови-
те, вся дела Господня, Господа.

И ныне: Преславное яко венец, Чи-
стая, естество прият, Божественное
Твое рождество, врагов сокрушающее
ополчения, и побеждающее державно
тех: сего ради благодатей Твоих ра-
достными венчаемы светлостьми, Те-
бе воспеваем, препетая Владычице.

ПЕСНЬ 9

Камень нерукосечный от несекомыя горы Тебе,
Дево, краугольный отсечеса, Христос совокуп-
ный разстоящаяся естества. Тем веселящися, Тя,
Богородице, величаем.

Призри с небесе, щедре, покажи Твою милость всем, даждь ныне заступление Твое, и крепость Твою приступающему к Тебе, Божественным помазанием священников Твоих, Человеколюбче.

Видехом, преблагий Спасе, радующеся Божественный елей приклонением Твоим Божественным паче причастников, егоже приял еси, и изобразительно преподал еси, бани Божественныя причащающимся.

Слава: Ущедри, помилуй, Спасе, избави от лютых, и болезней: избави от стрел лукавого Твоих рабов души и телеса, яко милостивый Господь, помазанием Божественным исцеляяй.

И ныне: Пения и мольбы, Дево, приемлющи Твоих рабов, избави лютых страстей и болезней, молитвами

Твоими, нами, Пречистая, Божественному Твоему крову притекающего.

Достойно есть:

ЕКСАПОСТИЛАРИЙ

В милости, Блаже, призри Твоим оком на моление нас, сшедшихся в храм Твой Святый днесь, помазати Божественным елеем недугующаго раба Твоего.

СТИХИРЫ, ГЛАС 4

Дал еси благодать Твою, Твоими благопременителю апостолы Человеколюбче, елеем святым Твоим целити всех язвы же и недуги: темже к елею Твоему верно приступающего, и ныне яко благоутробен освяти, помилуй, от всякаго недуга очисти, и пищи нетленные Твоя сподоби, Господи.

Призри непостижимо с небесе, яко благоутробен, рукою невидимою Твоею знаменав, Человеколюбче, наша чувства, елеем Твоим Божественным, притекающему к Тебе верно, и просящему прегрешений оставление даруй, и исцеление души и телу, да любовь прославит Тя, величая державу Твою.

Помазанием елея Твоего, и священников, Человеколюбче, осязанием, раба Твоего освяти свыше, недугов свободи, душевные же скверны очисти, омой, Спасе, и многоплетенных соблазнов избави: болезни утиши, обстояние отжени и скорби потреби, яко щедр и благоутробен.

Слава, и ныне:

Богородицен: Тебе чистейшую цареву палату молю, Многопетая, ум мой очисти оскверненный всякими греха-

ми, и жилище красное Пребожественная Троицы сотвори, яко да силу Твою и безмерную милость величаю спасаемый, непотребный раб Твой.

Трисвятое. Пресвятая Троице: *По*
Отче наш:

ТРОПАРЬ, ГЛАС 4

Скорый в заступлении един сый, Христе, скорое свыше покажи посещение страждущему рабу Твоему, избави недугов, и горьких болезней: воздвигни во еже пети Тя и славити непрестанно, молитвами Богородицы, едина Человеколюбче.

Далее диакон, или первый от священников, глаголет ектению:

Миром Господу помолимся:

О свышнем мире:

О мирѣ всего мира:

О святом храме сем, и с верою:

О еже благословитися елею сему силою и действием и наитием Святаго Духа, Господу помолимся.

О рабе Божии (*имя*), и о еже в Бозе посещении его, и еже приити на него благодати Святаго Духа, Господу помолимся.

О еже избавитися ему и нам от всякия скорби, гнева и нужды:

Заступи, спаси, помилуй, и сохрани его и нас, Боже:

Пресвятую, Пречистую:

Затем первый из священников творит молитву над сосудом с маслом:

Господу помолимся. Господи, помилуй.

Господи, милостию, и щедротами Твоими исцеляяй сокрушения душ и телес наших: Сам Владыко, освяти елей сей, якоже быти помазующимся от него во исцеление: и в пременение всякия страсти, скверны пло-

ти и духа, и всякого зла: да и в сем прославится Твое пресвятое имя, Отца, и Сына, и Святаго Духа, ныне и присно, и во веки веков, аминь.

Остальные священники читают эту молитву вместе с ним, но негромко. Во время чтения молитвы священниками поются тропари:

Глас 4: Скорый в заступлении един сый, Христе, скорое свыше покажи посещение страждущему рабу Твоему: избави недугов, и горьких болезней: воздвигни во еже пети Тя и славити непрестанно, молитвами Богородицы, едине Человеколюбче.

Душевыма очима ослеплен, к Тебе, Христе, прихожду, якоже слепый от рождения, в покаянии зову Тебе: милостив нам буди, едине Благоприменителю.

Глас 3: Душу мою, Господи, во гресех всяческих, и безместными деяньми люте разслабленную, воздвигни

Божественным Твоим предстательством, якоже и разслабленнаго воздвигл еси древле, да зову Ти, спасаемь: Щедрый, даждь ми, Христе, исцеление.

Глас 2: Яко Господень ученик восприял еси, праведне, Евангелие: яко мученик имаши еже неописанное: дерзновение, яко брат Божий: еже молитися, яко иерарх. Моли Христа Бога, спастися душам нашим.

Глас 4: Отчее Единородное Бог Слово, пришедшее к нам в послѣднія дни, Иакове Божественне, перваго Тя показа иерусалимляном пастыря и учителя, и вернаго строителя таинств духовных: темже Тя вси чтим, Апостоле.

Глас 3: В Мирех, святе, священнодействитель показался еси: Христово бо, преподобне, Евангелие исполнив, положил еси душу Твою о людех Твоих, и спасл еси неповинныя от смер-

ти: сего ради освятился еси, яко великий таинник Божия благодати.

Глас тойже: Велика обрете в бедах Тя поборника вселенная, страсотерпче, языки побеждающа: якоже убо Лиеву низложил еси гордыню, и на подвиг дерзновенна сотворив Нестора: тако, святе Димитрие, Христу Богу молися, даровати нам велию милость.

Глас тойже: Страсотерпче святыи, и целебниче Пантелеимоне, моли милостиваго Бога, да прегрешений оставление подаст душам нашим.

Глас 8: Святии безсребренницы и чудотворцы, посетите немощи наша: туне приясте, туне дадите нам.

Глас 2: Величия Твоя, девственниче, кто повесть? точиши бо чудеса, и изливаеши исцеления, и молишися о душах наших, яко Богослов и друг Христов.

Богородичен: Моление теплое и стена неборимая, милости источниче, ми-

рови прибежище, прилежно вопием
Ти: Богородице Владычице, предвари,
и от бед избави нас, едина вскоре
предстательствующая.

Диакон: Вонмем.

Священник первый: Мир всем.

Лик: И духови твоему.

Диакон: Премудрость, вонмем.

Чтец: Прокимен, глас 1-й:

Буди, Господи, милость Твоя на
нас, якоже уповахом на Тя.

Стих: Радуйтесь, праведнии, о Гос-
поде, правым подобает похвала.

Чтец: Соборного послания Иаковля
чтение.

АПОСТОЛ: [ЗАЧАЛО 57]

Братие, образ примите злострада-
ния и долготерпения, пророки, иже
глаголаша именем Господним. Се бла-
жим терпящия: терпение Иовле слы-
шасте, и кончину Господню видесте,

яко многомилостив есть Господь и щедр. Прежде же всех, братие моя, не кленитесь ни небом, ни землею, ни иною коею клятвою: буди же вам, еже ей, ей, и еже ни, ни: да не в лицемерие впадете. Злостраждет ли кто в вас; да молитву деет. Благодушествует ли кто? да поет. Болит ли кто в вас? да призовет пресвитеры церковныя, и да молитву сотворят над ним, помазавше его елеем во имя Господне. И молитва веры спасет болящаго, и воздвигнет его Господь: и аще грехи будет сотворил, опустятся ему. Исповедайте убо друг другу согрешения, и молитесь друг за друга, яко да исцелеете: много бо может молитва праведнаго поспешествуема.

Священник первый: Мир ти.

Аллилуия. Глас 8-й.

Стих: Милость и суд воспою Тебе, Господи.

ЕВАНГЕЛИЕ ОТ ЛУКИ:
[ЗАЧАЛО 53]

Во время оно, законник некий приступи к Иисусу, искушая Его, и глаголя: «Учителю, что сотворив живот вечный наследую? Он же рече к нему: в законе что писано есть? како чтеши? Он же отвещав рече: возлюбиши Господа Бога твоего от всего сердца твоего, и от всея души твоея, и всею крепостию твоею, и всем помышлением твоим: и ближняго своего яко сам себе. Рече же ему: право отвеща, сие сотвори, и жив будеши. Он же хотя оправдитися сам, рече ко Иисусу: и кто есть ближний мой? Отвещав же Иисус рече: человек некий сходяще от Иерусалима во Иерихон, и в разбойники впаде, иже совлекше его, и язвы возложше отыдоша, оставльше елѣ жива суща. По случаю же священник некий сходяще путем тем: и ви-

дев его, мимоиде. Такожде же и левит, быв на том месте, пришед и виде в мимоиде. Самарянин же некто грядый прииде над него, и виде в его милосердова. И приступль обвяза струпы его, возливая масло и вино: всадив же его на свой скот, приведе его в гостинницу, и прилежа ему. И наутрия изшед, изъем два сребренника, даде гостиннику, и рече ему: прилежи ему, и еже аще прииждивеши, аз, егда возвращуся, воздам ти. Кто убо от тех триех ближний мнит ти ся быти впадшему в разбойники? Он же рече: сотвориый милость с ним. Рече же ему Иисус: иди и ты твори такожде.

Далее глаголется ектения:

Помилуй нас, Боже, по велицей милости Твоей, молим Ти ся, услыши и помилуй.

Господи, помилуй, *трижды.*

Еще молимся о милости, жизни, мире, здравии, спасении, посещении и оставлении грехов раба Божия (*имя*).

Господи, помилуй, *трижды*.

О еже проститися ему всякому согрешению, вольному и невольному, Господу помолимся.

Господи, помилуй, *трижды*.

Яко милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков, аминь.

Диакон: Господу помолимся:

Лик: Господи, помилуй.

Священник глаголет молитву:

Безначальне, вечно, Святе святых, Единороднаго Твоего Сына низпославый, исцеляющаго всякий недуг, и всяку язю душ и телес наших, низпосли Святаго Твоего Духа, и освяти

елей сей, и сотвори ѿ помазующемуся Твоему рабу (имя), в совершенное избавление грехов его в наследие Царства Небеснаго.

Да будет известно, что некоторые заканчивают эту молитву здесь возгласом:

Твое бо есть еже миловати...

Некоторые же продолжают её до конца:

Ты бо еси Бог Велий и дивен, храняй завет Твой и милость Твою любящим Тя, даёй избавление грехов, Святым Твоим отроком Иисусом Христом: паки рождёй нас от греха: просвещаяй слепых, исправляяй низверженные, любяй праведных и грешных милуяй: паки изведыи нас от тьмы и сени смертных, глаголяй сущим во узах: изыдите, и сущим во тьме, открыйтеся. Возсия бо в сердцах наших свет ведения лица Его, отнележе нас ради на земли явился есть, и с человеки поживе: приемшим Тя дал есть

власть чадом Божиим быти: банею пакибытия сыноположение нам даровал есть, и непричастны нас сотворил есть от насильства диаволя. Понеже не благоволил еси кровию очиститися, но елеем святым дал еси образ Креста Его, во еже быти нам Христову стаду, царскому священнию, языку святому, и очистивый ны водою, и освятивый Духом Твоим Святым. Сам, Владыко Господи, даждь благодать нам в служение Твое сие, якоже дал еси Моисею угоднику Твоему, и Самуилу возлюбленному Твоему, и Иоанну избранному Твоему, и всем во всяком роде и роде благоугодившим Тебе: сие сотвори и нас быти служителей Новаго Твоего Завета над елеем сим, егже усвоил еси Честною Кровию Христа Твоего, да совлекшеся мирских похотей умрем греху, и поживем правде, облекшеся в него

помазанием освящения, хотящаго ея навестися. Буди, Господи, елей сей, елей радования, елей освящения, одежда царская, броня силы, всякаго дьявольскаго действия отгнание, печать ненаветная, радование сердца, веселие вечное. Да и сим помазуемии паки рождения, страшни будут сопротивным, и возсияют во светлостех Святых Твоих, не имуще скверны или враски: и да примутся в вечныя Твоя упокоения, и восприимут почеть горняго званія.

Твое бо есть, еже миловати и спасати ны, Боже наш: и Тебе славу возсылаем, со Единородным Твоим Сыном, и Пресвятым, и Благим, и Животворящим Твоим Духом, ныне и присно, и во веки веков, аминь.

Сразу после молитвы первый священник берет струец и, омочив его во святой елей, помазывает болящего, творя молитву:

Отче святой, Врачу душ и телес, пославый Единородного Твоего Сына, Господа нашего Иисуса Христа, всякий недуг исцеляющего, и от смерти избавляющего, исцели и раба Твоего (*имя*) от обдержавших его телесныя и душевныя немощи, и оживотвори его благодатию Христа Твоего: молитвами Пресвятыя Владычицы нашей Богородицы, и Приснодевы Марии: предстательства Честных Небесных Сил Безплотных: силою Честного и Животворящего Креста; честного славного пророка, предтечи и крестителя Иоанна; святых славных и всехвальных апостолов; святых славных и добропобедных мучеников; преподобных и богоносных отец наших; святых исцелителей и безсребренников, Космы и Дамиана, Кира и Иоанна, Пантелеимона и Ермолая, Сампсона и Диомида, Фотия и Аникиты:

святых и праведных богоотцев, Иоакима и Анны, и всех святых.

Яко Ты еси источник исцелений, Боже наш, и Тебе славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

Эта молитва читается священниками каждый раз после чтения Евангелия при елеопомазании болящего.

Диакон: Вонмем.

Священник второй: Мир всем.

Лик: И духови твоему.

Диакон: Премудрость, вонмем.

Чтец: Прокимен, глас 2:

Крепость моя и пение мое Господь,
и бысть мне во спасение.

Стих: Наказуя наказа мя Господь,
смерти же не предаде мя.

АПОСТОЛ К РИМЛЯНОМ:
[ЗАЧАЛО 116]

Братие, должни есмы мы сильнии немощи немощных носить, и не себе угождати. Кийждо же вас ближнему да угождает во благое к созданию. Ибо и Христос не Себе угоди, но якоже есть писано: поношения поносящих Тебе нападоша на мя. Елика бо преднаписана быша, в наше наказание преднаписашася: да терпением и утешением писаний упование имамы. Бог же терпения и утешения, да даст вам тожде мудрствовати друг ко другу о Христе Иисусе: Да единодушно едиными усты славите Бога и Отца Господа нашего Иисуса Христа. Тем же приемлите друг друга, якоже и Христос прият вас во славу Божию.

Священник второй: Мир ти.

Аллилуия, глас 5-й.

Стих: Милости Твоя, Господи, во век воспою.

ЕВАНГЕЛИЕ ОТ ЛУКИ: [ЗАЧАЛО 94]

Во время оно, прииде Иисус во Иерихон. И се муж нарицаемый Закхей, и сей бе старей мытарем, и той бе богат. И искаше видети Иисуса, кто есть, и не можаше от народа, яко возрастом мал бе. И предитек возлезе на ягодичину, да видит, яко туде хотяше минути. И яко прииде на место, возрев Иисус, видев его, и рече к нему: Закхее, потщався слези, днесь бо в дому Твое подобает Ми быти. И потщався слезе, и прият Его радуяся. И видевшие вси роптаху, глаголюще: яко ко грешну мужу вниде витати. Став же Закхей, рече ко Господу: се пол имения моего, Господи, дам нищим, и аще кого чим обидех, возвращу четверицею. Рече же к нему Ии-

сус: яко днесь спасение дому сему бысть, зане и сей сын Авраамль есть. Прииде бо Сын Человечь взыскати и спасти погибшаго.

Далее глаголется ектения: (см. с. 119).

И по возгласе священник глаголет молитву:

Боже Великий, и Вышний от всея твари покланяемый, премудрости источниче, благодати и воистину неизследимая бездно, и благоутробия неопределяемая пучино: Сам, Человеколюбче Владыко, превечных и дивных Боже, Егоже никтоже от человек помышляяй может постигнуть, призри, услыши нас недостойных рабов Твоих, и идеже о велицем имени Твоем елей сей приносим, низпосли Твоего дара исцеления, и оставление грехов, и исцели его во множестве милости Твоея. Ей, Господи благоприменителю, едине милостиве и Человеколюбче, каяйся о злобах наших: ведый, яко

належит помысл человека на лукавая
от юности его: не хотяй смерти греш-
ника, но яко обратитися и живу бы-
ти ему: грешных ради спасения воче-
ловечивыйся Бог сый, и создавыйся
за создание Твое. Ты еси рекий: не
приидох призвати праведныя, но
грешныя в покаяние: Ты еси, овча
взыскавый заблуждшее: Ты еси, по-
гибшую драхму прилежно взыскавый,
и обретый: Ты еси рекий, яко гряду-
щаго ко Мне не изжену вон: Ты еси,
Иже блудницы честней Твои нозе
слезами омочившия не возгнушавый-
ся: Ты еси рекий: елижды аще паде-
ши, востани, и спасешися: Ты еси ре-
кий, яко радость бывает на небеси о
едином грешнице кающемся. Сам
призри, благоутробный Владыко, с
высоты святая Твоея, соосенив нас
грешных и недостойных рабов Твоих
благодатию Святаго Духа в час сей,

и всели в раба Твоего (имя), познавшего своя согрешения, и приступльшаго к Тебе верою: и прием Своим Ти человеколюбием, аще что согрешил есть словом, или делом, или помышлением, простив очисти его, и чиста сотвори от всякаго греха, и присно спребывая ему, сохрани прочее лето живота его, ходяща во оправданиях Твоих во еже не ктому быти ему посмеяние диаволу: яко да и в нем прославится пресвятое имя Твое.

Твое бо есть еже миловати, и спасати ны, Христе Боже, и Тебе Славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков, аминь.

Сразу после молитвы второй священник берет струец и, омочив его во святой елей, помазывает болящего, творя молитву:

Отче Святый, Врачу душ и телес:
(см. с. 124).

Диакон: Вонмем.

Священник третий: Мир всем.

Лик: И духови твоему.

Диакон: Премудрость, вонмем.

Чтец: Прокимен, глас 3-й:

Господь просвещение мое и Спаситель мой, кого убоюся?

Стих: Господь защититель живота моего, от кого устрашуся?

АПОСТОЛ К КОРИНФИЯНОМ: [ЗАЧАЛО 183]

Братие, вы есте Тело Христово, и уди от части. И овы убо положи Бог в церкви, первее апостолы, второе пророки, третие учителя, потом же силы, таже дарования исцелений, заступления, правления, роди языков. Еда вси апостоли? еда вси пророцы? еда вси учителя, еда вси силы? Еда вси дарования имут исцелений? Еда

все языки глаголют? еда все скажут? Ревнуйте же дарований больших: и еще по превосхождению путь вам показую. Аще языки человеческими глаголю и ангельскими, любви же не имам, бхх (яко) медь звенящи, или кимвал звяцаый. И аще имам пророчество и вею тайны вся, и весь разум: и аще имам всю веру, яко и горы представляти, любви же не имам, ничтоже есмь. И аще раздам вся имения моя, и аще предаю тело мое, во еже сожещи е: любви же не имам, никакая польза ми есть. Любы долготерпит, милосердствует: любы не завидит: любы не превозносится, не гордится: Ни безчинствует, не ищет своя си, не раздражается, не мыслит зла: не радуется о неправде, радуется же о истине: Вся любит, всему веру емлет, вся уповае, вся терпит. Любы николиже отпадет.

Священник третий: Мир ти.

Аллилуиа, глас 2-й.

Стих: На Тя, Господи, уповах, да не постыжуся в век.

ЕВАНГЕЛИЕ ОТ МАТФЕА:

[ЗАЧАЛО 34 ОТ ПОЛУ]

Во время оно, призвав Иисус обнадесять ученики Своя, даде им власть на дусех нечистых, яко да изгонят их, и целити всяк недуг, и всяку болезнь. Сия обанадесять посла Иисус, заповеда им, глаголя: на путь язык не идите, и во град самарянский не внидите. Идите же паче ко овцам погибшим дому Израилева. Ходяще же проповедуйте, глаголюще: яко приближися Царствие Небесное. Блящия исцеляйте, прокаженные очищайте, мертвыя воскрешайте, бесы изгоняйте: туне приясте, туне дадите.

Далее глаголется ектения: (см. с. 119).

И по возгласе священник глаголет молитву:

Владыко Вседержителю, Святый Царю, наказуяй, и не умерщвляяй, утверждаяй низпадающия, и возводяй низверженныя, телесныя скорби исправляяй человеков: молимся Тебе, Боже наш, яко да наведеши милость Твою на елей сей, и на помазующияся от него во имя Твое: да будет им во исцеление души же и тела, и во очищение и изменение всякия страсти, и всякаго недуга, и язи, и всякия скверны плоти и духа. Ей, Господи, лечебную Твою силу с небесе низпосли, прикоснися телеси, угаси огневицу, укроти страсть, и всякую немощь таящуюся. Буди врач раба Твоего (*имя*), воздвигни его от одра болезненнаго, и от ложа озлобления цела и всесовершенна, даруй его Церкви Твоей благоугождающа и творяща Волю Твою.

Твое бо есть, еже миловати и спасати ны, Боже наш: и Тебе славу возсылаем, Отцу, и Сыну, и Святому Духу, ныне и присно, и во веки веков, аминь.

Сразу после молитвы третий священник берет струец и, омочив его во святой елей, помазывает болящего, творя молитву:

Отче Святый, Врачу душ и телес:
(см. с. 124).

Диакон: Вонмем.

Священник четвертый: Мир всем.

Лик: И духови твоему.

Диакон: Премудрость, вонмем.

Чтец: Прокимен, глас 4-й:

Воньже аще день призову Тя, скоро услыши мя.

Стих: Господи, услыши молитву мою, и вопль мой.

АПОСТОЛ К КОРИНФИЯНОМ: [ЗАЧАЛО 182]

Братие, вы есте церкви Бога жива, якоже рече Бог: яко вселюся в них и похожду, и буду им Бог, и тии будут Мне людие. Темже изыдите от среды их, и отлучитесь, глаголет Господь, и нечистоте не прикасайтесь, и Аз приму вы. И буду вам во Отца, и вы будете Мне в сыны и дщери, глаголет Господь Вседержитель. Сицева убо имуща обетования, о возлюблении, очистим себе от всякия скверны плоти и духа, творяще святыню в страхе Божии.

Священник: Мир ти.

Аллилуиа, глас 2-й.

Стих: Терпя потерпех Господа, и внят ми.

ЕВАНГЕЛИЕ ОТ МАТФЕА: [ЗАЧАЛО 26]

Во время оно, пришед Иисус в дом Петров, виде тещу его лежащу, и

огнем жегому. И прикоснуса руце ея, и остави ю огонь: и воста, и служаше Ему. Позде же бывшу, приведоша к Нему бесны многи, и изгна духи словом, и вся болящая исцели. Да сбудется реченное Исаием пророком глаголющим: Той недуги наша прият, и болезней понесе. Видев же Иисус многи народы окрест Себе, повеле ити на он пол. И приступль един книжник, рече Ему: Учителю, иду по Тебе, аможе аще идеши. Глагола ему Иисус: лиси язвины имут, и птицы небесныя гнезда: Сын же Человеческий не имать где главы подклонити. Другий же от учеников Его рече Ему: Господи, повели ми прежде ити, и погребсти отца моего. Иисус же рече ему: гряди по Мне, и остави мертвых погребсти своя мертвецы. И влезшу Ему в корабль, по Нем идоша ученицы Его.

Далее глаголется ектения: (см. с. 119).

И по возгласе священник глаголет молитву:

Блаже и Человеколюбче, благоутробне и многомилостиве Господи, многий в милости, и богатый в благостыни, Отче щедрот, и Боже всякаго утешения, укрепивый ны святыми Твоими апостолами, елеем с молитвою немощи людей целити: Сам и елей сей вчини в целебу от него помазующимся, в пременение всякаго недуга, и всякия язи, во избавление зол, чающим еже от Тебе спасения. Ей, Владыко, Господи Боже наш, молим Ти ся Всесильне, еже спасти вся ны, едине душ же и телес Врачу, освяти вся ны: всяк недуг исцеляяй, исцели и раба Твоего (имя), воздвигни его от одра болезненного милостию Твояе благости, посети его милостию и щедротами Твоими: отжени от него всякую болезнь и немощь, яко да

востав рукою Твоею крепкою, поработает Тебе со всяким благодарением: яко да и ныне причащающеся Твоего неизглаголаннаго человеколюбия, поем и славим Тя, творящаго великая и чудная, славная же и изрядная.

Твое бо есть, еже миловати, и спасати ны, Боже наш:

Сразу после молитвы четвертый священник берет струец и, омочив его во святой елей, помазывает болящего, творя молитву:

Отче Святый, Врачу душ и телес:
(см. с. 124).

Диакон: Вонмем:

Священник пятый: Мир всем.

Лик: И духови твоему.

Диакон: Премудрость, вонмем.

Чтец: Прокимен: глас 5-й:

Ты, Господи, сохраниши ны, и соблюдеши ны от рода сего, и во век.

Стих: Спаси мя, Господи, яко оскуде преподобный.

АПОСТОЛ К КОРИНФИЯНОМ: [ЗАЧАЛО 168]

Братие, не хочу вас не вести о скорби нашей, бывшей нам во Асии, яко по премногу и паче силы отяго-тихомся, яко не надеяться нам и жити. Но сами в себе осуждение смерти имехом: да не надеющиеся будем на ся, но на Бога возставляющаго мертвыя: Иже от толикаы смерти избавил ны есть, и избавляет: Наньже и упо-вахом, яко и еще избавит: Поспешающим и вам по нас молитвою: да от мног лиц еже в нас дарование, многими благодарится о вас.

Священник: Мир ти.

Аллилуиа, глас 5-й.

Стих: Милости Твоя, Господи, во век воспою.

ЕВАНГЕЛИЕ ОТ МАТФЕА: [ЗАЧАЛО 104]

Рече Господь притчу сию: уподоби-ся Царствие Небесное десятии девам,

яже прияша светильники своя, и изыдоша в сретение жениху. Пять же бе от них мудры, и пять юродивы. Юродивыя же, приемше светильники своя, не взяша с собою елеа. Мудрыя же прияша елей в сосудех, со светильники своими. Коснящу же жениху, воздремашася вся; и спяху. Полунощи же вопль бысть: се жених грядет, исходите в сретение его. Тогда воставше вся девы тыя, и украсиша светильники своя. Юродивыя же мудрым реша: дадите нам от елея вашего, яко светильницы наши угасают. Отвещаша же мудрыя, глаголюще: еда како не достанет нам и вам; идите же паче к продающим, и купите себе. Идущим же им купити, прииде жених, и готовыя внидоши с ним на браки: и затворены быша двери. Последи же придоша и прочия девы, глаголюще: Господи, Господи, отверзи

нам. Он же отвещав рече им: аминь глаголю вам, не вем вас. Бдите убо, яко не весте дне, ни часа, воньже Сын Человеческий приидет.

Далее глаголется ектения: (см. с. 119).

И по возгласе священник глаголет молитву:

Господи Боже наш, наказуй и паки исцеляй, воздвизай от земли нища, и от гноища возвышай убогаго: сирот Отче, и обуреваемых пристанище, и недугующих врачу, немощи наша неболезненно носяй, и недуги наша приемляй: в тихости милуй, превосходяй беззакония, и изымаяй неправды: скорый в помощь, и косный во гнев, дунувый на Своя ученики, и рекий: примите Духа Святаго, имже аще оставите грехи, оставятся им: приемляй грешных покаяние, и власть имеяй прощати грехи многия и лютыя: и исцеление подавая всем, в немощи и долгонедужии пребываю-

щим: Иже мене смиреннаго и грешнаго, и недостойнаго раба Твоего во мнозех гресех сплетеннаго, и страстьми сластей валяющагося, призваый во святой и превеличайший степень священства, и внити во внутреннее завесы, во Святая Святых, идеже приникнути святии Ангели желают, и слышати Евангельский глас Господа Бога, и зрети самозрачне лице святаго возношения, и наслаждаться Божественныя и священныя литургии. Сподобивый мя священнодействовати пренебесныя Твоя Тайны, и приносить Тебе дары же и жертвы о наших гресех, и людских невежествиих, и ходатайствовати о словесных Твоих овцах, да многим и неизреченным Твоим человеколюбием прегрешения их очистиши. Сам преблагий Царю, внуши молитву мою в сей час и святой день, и на всякое время и место:

и вонми гласу моления моего, и рабу Твоему (*имя*), в немощи душевной и телесной существу, исцеление даруй: подавая ему оставление грехов, и прощение согрешений, вольных же и невольных: уврачуй его язвы неисцельныя, всякий же недуг, и всякую язю, даруй ему душевное исцеление. Прикоснувшись тещи Петрове, и остави ю огневица, и воста и служаше Тебе: Сам, Владыко, и рабу Твоему (*имя*) подаждь врачевание, и пременение всякия тлетворныя болезни, и помяни богатая Твоя щедроты, и милость Твою. Помяни, яко прилежно належит помышление человека на лукавая от юности его, и ни един обретается безгрешен на земли: Ты бо един кроме греха еси, пришедый и спасый человеческий род, и свободивый нас от работы вражия. Аще бо в суд внидеши с рабы Твоими, никтоже обря-

щется чист от скверны: но всякая уста заградятся, не имущая что отвещати, зане якоже раб поверженный, всякая правда наша пред Тобою. Сего ради грехи юности наша не помяни, Господи: Ты бо еси надежда ненадеющихся, и упокоение труждающихся, и обремененных в беззакониих, и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков, аминь.

Сразу после молитвы пятый священник берет струнец и, омочив его во святой еелѣ, помазывает болящего, творя молитву:

Отче Святый, Врачу душ и телес:
(см. с. 124).

Диакон: Вонмем.

Священник шестой: Мир всем.

Лик: И духови твоему.

Диакон: Премудрость, вонмем.

Чтец: Прокимен, глас 6-й:

Помилуй мя, Боже, по велицей милости Твоей.

Стих: Сердце чисто созижди во мне, Боже, и дух прав обнови во утробе моей.

АПОСТОЛ К ГАЛАТОМ: [ЗАЧАЛО 230]

Братие, плод духовный есть: любы, радость, мир, долготерпение, благость, милосердие, вера, кротость, воздержание: на таковых несть закона. А иже Христовы суть, плоть распяша со страстьми и похотьми. Аще живем духом, духом и да ходим. Не бываем тщеславни, друг друга раздражающе, друг друга завидяще. Братие, аще и впадет человек в некое прегрешение, вы духовнии исправляйте такового духом кротости: блюдый себе: да не и ты искушен будеши. Друг дру-

га тяготы носите, и тако исполните закон Христов.

Священник шестой: Мир ти.

Аллилуиа, глас 6-й.

Стих: Блажен муж бояйся Господа, в заповедех Его восхощет зело.

ЕВАНГЕЛИЕ ОТ МАТФЕА: [ЗАЧАЛО 62]

Во время оно, вниде Иисус во страны тирския и сидонския. И се жена хананейска от предел тех изшедши, возопи к Нему, глаголющи: помилуй мя, Господи, Сыне Давидов: дщи моя зле беснуется. Он же не отвеща ей словесе. И приступльше ученцы Его, моляху Его, глаголюще: отпусти ю, яко вопиет в след нас. Он же отвещав рече: несмь послан, токмо ко овцам погибшим дому Израилева. Она же пришедши поклонися Ему, глаголющи: Господи, помози ми. Он же от-

вещав рече: несть добро отъяти хлеба чадом, и поврещи псом. Она же рече: ей, Господи, ибо и пси ядят от крупыц падающих от трапезы господей своих. Тогда отвещав Иисус, рече ей: О жено, велия вера твоя, буди тебе, якоже хочещи. И исцеле дщи ея от того часа.

Далее глаголется ектений: (см. с. 119).

И по возгласе священник глаголет молитву:

Благодарим Тя, Господи Боже наш, Благий Человеколюбче, и Врачу душ и телес наших, недуги наша неболезненно носяй, Егоже язвою вси исцелехом: Пастырю добрый, на взыскание пришедый заблуждшаго овчате, малодушным даяй утешение, и живот сокрушенным: источник кровоточивая дванадесятилетен бывший исцеливый: дщерь хананеину от лютаго демона свободивый: долг даровавый двема должником, и грешной жене

оставление давый: исцеление разслабленному дароваый, со оставлением грехов его: мытаря словом оправдаый, и разбойника в последнем его исповедании приемый: грехи мира вземый, и на Кресте пригвоздивый: Тебе молимся и Тебе просим, в бла-
гости Твоей, Сам ослаби, остави, прости, Боже, беззакония, и грехи раба Твоего (имя), согрешения его вольная и невольная, яже в ведении и не в ведении, яже в преступлении, и в преслушании, яже в нощи и во дни: или в клятве священнических, или отчи или матерни бысть: или очима воззрением, или веждама помаванием: или прилежанием любодейства, или вкушением блюда: или в коем любо движении плоти и духа, отчуждися хотения Твоего, и Твоя Святости. Аще же согреши тойже и мы, яко благ и непамятозлюбивый Бог и Человеколю-

бец прости, не оставляя его и нас в скверное житие впасти, ниже в пагубныя пути тещй. Ей, Владыко Господи, услыши мя грешнаго в час сей за раба Твоего (*имя*), и презри яко непамязлобивый Бог согрешения его вся: свободи его от вечныя муки: уста его Твоего хваления исполни: устне его отверзи к славословию имене Твоего: руце его простри к деланию заповедей Твоих: нозе его к течению благовествования Твоего исправи: вся его уды и мысль Твоею укрепляя благодатию. Ты бо еси Бог наш, святыми Твоими апостолы заповедавый нам, глаголя: елика аще свяжете на земли, будут связана на небесех: и елика аще разрешите на земли, будут разрешена на небесех. И паки: ихже аще оставите грехи, оставятся им, ихже аще держите, удержатся. И якоже услышал еси Езекию в скорби ду-

ши его, в час смерти его, и не презрел еси моления его: такожде и мене смиренного и грешного и недостойного раба Твоего услыши в час сей. Ты бо еси, Господи Иисусе Христе, седьдесят крат седмицею оставляти падающим в грехи повелевый, Твоюю благодатию и человеколюбием: и каюсь о злобах наших, и радуясь о обращении заблужденных: зане яко величество Твое, тако и милость Твоя: и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом: ныне и присно, и во веки веков, аминь. .

Сразу после молитвы шестой священник берет струец и, омочив его во святой елей, помазывает болящего, творя молитву:

Отче Святый, Врачу душ и телес:
(см. с. 124).

Диакон: Вонмем.

Священник седьмой: Мир всем.

Лик: И духови твоему.

Диакон: Премудрость, вонмем.

Чтец: Прокимен, глас 7-й:

Господи, да не яростию Твоею обличиши мене, ниже гневом Твоим накажешу мене.

Стих: Помилуй мя, Господи, яко немоощен есмь.

АПОСТОЛ К СОЛУНЯНОМ: [ЗАЧАЛО 273]

Братие, молим вы, вразумляйте безчинныя, утешайте малодушныя, заступайте немоощныя, долготерпите ко всем. Блюдите, да никтоже зла за зло кому воздаст: но всегда доброе гоните, и друг ко другу, и ко всем. Всегда радуйтесь: Непрестанно молитесь. О всем благодарите: сия бо есть воля Божия о Христе Иисусе в вас. Духа не угашайте. Пророчества не уничижайте. Вся же искушающе, до-

брая держите: О всякия вещи злыя отгребайтесь. Сам же Бог мира да освятит вы всесовершенны о всем, и всесовершен ваш дух, и душа, и тело непорочно, в пришествие Господа нашего Иисуса Христа да сохранится.

Священник же седьмой: Мир ти.

Аллилуиа, глас 7-й.

Стих: Услышит тя Господь в день печали, защитит тя имя Бога Иаковля.

ЕВАНГЕЛИЕ ОТ МАТФЕА: [ЗАЧАЛО 30]

Во время оно, преходя Иисус, виде человека сидяща на мытнице, Матфеа глаголема, и глагола ему: по Мне гряди. И востав по Нем иде: И бысть Ему возлежащу в дому, и се мнози мытари и грешницы пришедше возлежаху со Иисусом, и со ученики Его: И видевшие фарисее, глаголаху учени-

ком Его: почто с мытари и грешники
Учитель ваш яст и пиет: Иисус же
слышав рече им: не требуют здравии
врача, но болящих. Шедше же научи-
теся, что есть: милости хочу, а не
жертвы; не приидох бо призвати пра-
ведники, но грешники на покаяние.

Далее глаголется ектения: (см. с. 119).

И по возгласе священник глаголет молитву:

Владыко Господи Боже наш, Вра-
чу душ и телес, временныя страсти
уврачевавый, исцеляяй всяк недуг и
всякую язю в людех, хотяй всем че-
ловеком спастися, и в познание исти-
ны приити, не хотяй смерти грешни-
ка, но яко обратитися, и живу быти
ему. Ты бо, Господи, в Ветхом Завете
положил еси покаяние грешным,
Давиду, и ниневитяном, и прежде тех
бывшим: но и во пришествии плотска-
го Твоего смотрения, не призвал еси
праведныя, но грешныя в покаяние:

якоже мытаря, якоже блудницу, разбойника, и хульнаго гонителя, великаго Павла покаянием приемый. Петра верховнаго и апостола Твоего, отвергшагося Тебе трижды, покаянием приял еси, и обещал еси ему, глаголя: ты еси Петр, и на сем камени созижду Церковь Мою, и врата адова не одолеют ей, и дам тебе ключи Царствия Небеснаго. Сего ради и мы, Блаже и Человеколюбче, по неложным Твоим обещанием дерзающе, молимся Тебе, и просим в час сей: услыши моление наше, и приими е, якоже кадило приносимое Тебе, и посети раба Твоего (*имя*), и аще что согреши словом, или делом, или помышлением, или в нощи, или во дни: или под клятву священническую, или своему проклятию подпаде: или клятвою огорчися, и проклят себе: Тебе просим, и Тебе молимся, ослаби, остави,

прости ему, Боже, презирая беззакония его и грехи, и яже в ведении и не в ведении бывшая от него. И аще что от заповедей Твоих преступи, или согреши, яко плоть носяй, и в мире живяй, или от действия диавольскаго: сам яко Благ и Человеколюбец Бог прости: яко несть человека, иже поживет, и не согрешит. Ты бо един еси безгрешен: правда Твоя правда в век и слово Твое истина. Не бо создал еси человека в погибель, но в снабдение заповедей Твоих, и живота нетленного наследие: и Тебе славу возсылаем, со Отцем, и Святым Духом, ныне и присно, и во веки веков, аминь.

Сразу после молитвы седьмой священник берет струнец и, омочив его во святой елей, помазывает болящего, творя молитву:

Отче Святый, Врачу душ и телес:
(см. с. 124).

И после этого настоятель раскрывает Святое Евангелие и возлагает его на главу приемлющего елеосвящение, все же остальные священники придерживают Евангелие. Начальствующий громко глаголет молитву:

Царю Святый, Благоутробне и Многомилостиве Господи Иисусе Христе, Сыне и Слове Бога Живаго, не хотяй смерти грешнаго, но яко обратитися, и живу быти ему: не полагаю руку мою грешную на главу пришедшаго к Тебе во гресех, и просящаго у Тебе нами оставление грехов: но Твою руку крепкую и сильную, яже во Святом Евангелии сем, еже сослужители мои держат на главе раба Твоего (имя), и молюся с ними, и прошу милостивное и непамятозлобное человеколюбие Твое, Боже, Спасителю наш, пророком Твоим Нафаном, покаявшемуся Давиду о своих согрешениях оставление дароваый, и Манассиину еже о покаянии

молитву приемый: Сам и раба Твоего (*имя*), кающагося о своих си согрешениях прими обычным Твоим человеколюбием, презираяй вся его прегрешения. Ты бо еси Бог наш, Иже и седмьдесят крат седмерицею оставляти повелевый, падающим в грехи: за не яко величество Твое, тако и милость Твоя, и Тебе подобает всякая слава, честь и поклонение, ныне и присно, и во веки веков, аминь.

И, сняв Евангелие с главы приемлющего елеосвящение, дают ему для лобзания.

Диакон же вновь глаголет ектению (см. с. 119).

Лик: Слава: Источник исцелений, имуще святии безсребреницы, исцеления подаваете всем требующим, яко превелиих дарований сподобльшиися от приснотекущаго источника Спаса нашего. Глаголет бо к

вам Господь, яко единоревнителем апостольским: се дах вам власть на духи нечистыя, якоже тех изгонити, и целити всяк недуг, и всяку язю: темже в повелениях Его добре жительствовавшие, туне приясте, туне по-
даваете, исцеляюще страсти душ и телес наших.

И ныне: Призри на моления Твоих раб, Всенепорочная, утоляющи лютая на ны востания, всякия скорби нас изменяющи: Тя бо едину твердое и известное утверждение имама, и Твое предстательство стяжахом, да не постыдимся, Владычице, Тя призывающих. Потщися на умоление, Тебе верно вопиющих: радуйся, Владычице, всех помощи, радости и покрове, и спасение душ наших.

Слава, и ныне: Господи, помилуй, *трижды. Благослови. И отпуст.*

Христос истинный Бог наш, молитвами Пречистыя Своея Матере: силюю Честнаго и Животворящего Креста: святаго славнаго и всехвальнаго апостола Иакова, и перваго архиерея Иерусалимскаго, брата Божия, и всех святых, спасет и помилует нас, яко Благ и Человеколюбец.

И полагает поклон приемый елеосвящение, глаголя:

Благословите, отцы святии, простите мя грешнаго: *трижды.*

И получивше от них благословение и прощение, отходит благодаря Бога.

Заказ А-896. Тираж 30 000 экз.

Отпечатано в типографии
ОАО ПИК «Идел-Пресс»
в полном соответствии с качеством
предоставленных диапозитивов.
420066, г. Казань, ул. Декабристов, 2.

281